



大名府表

漢

魏

後魏

齊

隋

唐

五代

宋

金

元

明

大名

漢魏郡地後漢建安十八年分魏黃初二年置東部郡

陽平郡

徙廢

魏州

武陽郡

魏州魏郡大名府

北京大名大名府路大名路

大名府

府名

尉

鄉

鄉

朔二年改京與唐府慶歷二年升總管府

初為散府屬中書省直隸京師

正隆二年

初為散府屬中書省直隸京師

初為散府屬中書省直隸京師

周大象二大業初改武德四年後唐同光初置治貴為郡治貴復置州龍初升為東日冀州咸三年改為建京興寧亨三年復鄴都晉天六年分為故開元中福初又改河北東路置河北採廣晉府漢訪使天寶乾祐初改初改郡名今名周顯治元城貴德初罷都鄉二縣

元城

縣元城縣屬魏郡

元城縣郡治

元城縣天平初屬魏郡

齊省入貴鄉

元城縣

元城縣舊治古殷後唐改曰城貞觀十與唐晉復

元城縣

元城縣

元城縣至元二年移今治併入大名尋復

元城縣府治洪武三十一年

大名府表

卷之六

大名府表

大名府表

清豐縣

頓邱郡

屬魏郡

齊廢

瀋州

晉天福三年徙廢

武德四年置頓邱

貞觀元年廢大歷七年

德清軍

清豐縣

清豐縣

清豐縣 移今治改屬大名府

頓邱縣

頓邱縣

頓邱縣

齊廢

頓邱縣

頓邱縣

天福三年廢為鎮

天福四年慶歷四年屬開州
置頓邱移縣治德鎮九年徙清軍皇祐治陸家店初罷軍屬開德府

屬東郡後郡治

漢建安七年改屬魏郡

屬魏郡

陰安縣

陰安縣

陰安郡

齊廢

清豐縣

清豐縣

屬魏郡

晉屬頓邱

太平真君三年省入衛國太和十九年復置屬頓邱

大歷七年屬德清軍

置屬瀋州

開皇六年初為州治復置屬武州廢屬魏郡後復為治

東明縣

離狐縣

離狐縣

離狐縣

離狐縣

離狐縣

南華縣

南華縣

南華縣

東明縣

東明縣

東明縣 洪武初徙治雲臺集

前漢屬東郡後漢建安四年改屬濟陰郡

還屬東郡屬曹州天寶元年改名

治為河所太宗七年尋省宏治北尋自河改屬大名四年復置南移東明路至元二於大單集於此屬曹年又改屬屬大名府開州

晉天福三初曰瀋州初復曰瀋年自頓邱瀋淵郡崇州皇統四年寧五年改年改名屬升府屬河大名府北東路

開東郡

濮陽國

秦始皇五晉咸寧三年置治濮年改名東陽

晉徙廢

瀋州

開德府

開州

開州

開州 屬大名府

濮陽縣

濮陽縣

濮陽縣

濮陽縣

濮陽縣

濮陽縣

濮陽縣

濮陽縣

濮陽縣

濮陽縣

洪武初省入

郡治

國治

屬濮陽郡

開皇十六武德四年年析置昆屬濮州又河四年又寧十年南吾縣大業析置昆明初省入仍縣八年仍屬東郡省入

天福三年州治慶歷移頓邱縣中移頓邱隨州治夾還故治熙

三

長垣縣

長羅侯國

平邱縣
屬陳留郡

長垣縣
屬陳留郡

長垣縣

長垣縣

長垣縣

太平真君八年併入
外黃其明五年復置
屬東郡

匡城縣
郡初省屬東

匡城縣

匡城縣

匡城縣

匡城縣

匡城縣

匡城縣

長垣縣

開皇十六年移治婦滑州又分垣後唐復改曰鶴邱

長垣縣
徙治柳家初屬大名村泰和八路至元二年屬開州年仍屬開州

長垣縣

長垣縣

長垣縣
洪武初移治故蒲城

澶淵縣
武德初改曰澶州屬開皇十六年析臨河屬澶州貞頓邱內黃觀初還屬三縣置屬黎州十七汲郡年省

寨周世宗又移治夾河

前漢屬陳留郡後漢省

大清一統志卷之十八

大名府

在 京師西南一千一百二十里東西距一百二十里南北距三百六十里東至山東東

昌府冠縣界四十里西至河南彰德府臨漳縣界八十里南至河南開封府儀封縣界二百八十里北至東昌府館陶縣界五十里東南至山東曹州定陶縣治三百里西南至彰德府內黃縣治九十里東北至東昌府臨清州治一百五十里西北至廣平府成安縣治八十里

分野 天文室壁分野 姬訾之次

按唐書天文志營室東壁姬訾也自危十

三度至奎一度今大名府以及開州境內正當其地為衛分野

建置沿革 禹貢冀兗二州之域

府地屬冀開州以南屬兗 春秋屬

晉衛二國戰國屬魏衛二國秦屬東郡漢分屬魏

郡南境為東郡及陳留郡地後漢建安十八年分魏郡置東部

都尉三國魏黃初二年以東部置陽平郡晉因之

元和志前燕慕容暉於今州理置貴鄉郡尋廢後魏為陽平郡地時郡移治館陶

今屬山東東昌府元和志作石趙時徙郡東魏天平初改屬魏郡後周

大象二年始分相州置魏州隋大業初改為武陽

郡唐武德四年復曰魏州龍朔二年改曰冀州置

大都督府咸亨三年罷府復曰魏州開元二十一

年置河北採訪使天寶元年改曰魏郡乾元元年

復曰魏州廣德元年置魏博節度使建中三年田悅嘗改州為

大名府天祐元年賜號天雄軍節度五代唐同光

元年升為東京興唐府三年改為鄴都晉天福初

改為廣晉府漢乾祐元年始改曰大名府周顯德

元年罷都仍為天雄軍節度宋初因之慶歷二年

建為北京熙寧六年分為河北東路金初為散府

正隆二年升為總管府置大名府路貞祐二年置

行尚書省元志金改安武軍而金志不載元曰大名路屬中書省

明曰大名府直隸京師

本朝因之領州一縣七舊領內黃濬滑三縣雍正三年以內黃改屬河南彰德府

濬滑二縣改
本屬衛輝

元城縣

附郭東西距五十里南北距五十五里東至山東東昌府冠縣界四十里西至魏縣

界十里南至大名縣界五里北至東昌府館陶縣界五十里東南至東昌府朝城縣治九十里西南至河南彰德府內黃縣治九十里東北至冠縣治六十里西北至魏縣治四十里漢置元城縣屬魏郡後漢因之三國魏為陽平郡治晉因之後魏移郡治館陶以元城為屬縣東魏天平初改屬魏郡又析置貴鄉縣北齊省元城入貴鄉後周於貴鄉縣置魏州隋開皇六年復置元城縣大業初以貴鄉為武陽郡治唐初復於貴鄉置魏州貞觀十七年又併元城入貴鄉聖歷二年又置屬魏州開元十三年移入州郭與貴鄉皆為州治五代唐改元城曰興唐晉復曰元城又改貴鄉曰廣晉漢乾祐初改廣晉曰大名宋金因之元至元二年併元城入大名尋復置為大名路治明為大名府治本

朝因之

大名縣

在府南少東八里東西距四十五里南北距二十五里東至元城縣界三十

十里西至魏縣界十五里南至南樂縣界二十里北至元城縣界五里東南至南樂縣界十二里西南至河南彰德府內黃縣界六十里東北至山東東昌府冠縣界七十里西北至魏縣界二十里本漢元城縣地東魏以後為元城貴鄉二縣地五代為元城大名二縣地宋政和六年自府城徙大名縣治南樂鎮金仍移入府郭元至元九年復還舊治明洪武初省入元城三十一一年復置于府郭永樂九年復還故治屬大名府本朝因之魏縣在府西少北四十里東至元城縣界三十里西至廣平府成安縣界二十里南至河南彰德府內黃縣界五十里北至廣平府廣平縣界十里東南至大名縣治五十里西南至漳德府臨彰縣界四十里東北至山東東昌府邱縣治九十里西北至成安縣治四十里漢置魏縣屬魏郡為都尉治後漢晉魏因之北齊

省入昌樂縣隋開皇六年復置屬武陽郡唐屬魏州宋屬大名府金因之元屬大名路明屬大名府本朝因之

南樂縣

在府東南五十里東西距七十五里南北距三十五里東至山東東昌府

朝城縣界四十里西至大名縣界三十五里南至清豐縣界十五里北至大名縣界二十里東南至

東昌府觀城縣治五十里西南至河南彰德府內黃縣治六十里東北至東昌府冠縣治一百里西

北至元城縣治五十里漢置樂昌縣屬東郡後漢廢後魏太和二十一年分魏縣置昌樂縣永安初

置昌樂郡東魏天平中郡廢縣屬魏郡隋開皇六年析置繁水縣大業初省昌樂入繁水屬武陽郡

唐武德五年復置昌樂縣屬魏州貞觀十八年省繁水入焉五代唐改曰南樂宋初屬大名府崇寧

四年改屬開德府金還屬大名府元屬大名路明屬大名府本朝因之

清豐縣

在府南九

十里東西距六十二里南北距四十里東至山東東昌府觀城縣界三十七里西至河南彰德府內

黃縣界二十五里南至開州界十五里北至南樂縣界二十五里東南至東昌府濮州治六十里西

南至開州治四十里東北至南樂縣治四十里西北至魏縣治九十里漢置頓邱縣屬東郡後漢建

安十七年割屬魏郡晉泰始二年於縣置頓邱郡後魏因之北齊郡縣俱廢隋開皇六年復置頓邱

縣屬武陽郡唐初屬魏州武德四年於縣置澶州貞觀元年州廢還屬魏州大歷七年復置澶州又

析置清豐縣屬之五代晉天福三年州徙德勝寨縣隨州徙廢舊州為頓邱鎮四年改鎮置德清軍

宋慶歷四年徙清豐縣治德清軍熙寧六年省頓邱入清豐屬開德府金屬開州元不改明初改屬

大名府**東明縣**在府南二百二十里東西距六十

里南北距八十五里東至山東曹州界三十里西至長垣縣界三十里南至河南開

封府儀封縣界六十里北至開州界二十五里東南至曹州定陶縣治一百里西南至長垣縣治七

十里東北至山東東昌府濮州治一百五十里西

北至河南衛輝府滑縣界五十里。漢置離狐縣屬東郡。後漢建初四年改屬濟陰郡。晉魏因之。隋仍屬東郡。唐屬曹州。天寶元年改曰南華。五代宋因之。金初為河所圯。省入冤句。尋移東明縣來治。仍屬曹州。元太宗七年改屬大名路。至元二年改屬開州。明洪武初省入長垣。宏治四年復置屬大名府。萬曆中嘗屬開州。

開州 在府南一百二十里。東本朝仍屬大名府。西距一百二十五里。南

北距一百里。東至山東東昌府濮州界五十五里。西至河南衛輝府滑縣界七十里。南至東明縣界六十五里。北至清豐縣界三十五里。東南至東明縣治九十里。西南至衛輝府濬縣治九十里。東北至清豐縣治四十五里。西北至河南彰德府內黃縣界十五里。古顓頊之墟。禹貢兗州之域。夏時為昆吾國。春秋曰帝邱。為衛國都。戰國曰濮陽。仍為衛都。秦始皇五年置東郡。漢以濮陽縣為東郡治。後漢因之。晉咸寧三年改置濮陽國。仍治濮陽縣。東晉後郡移治鄆城。以濮陽為屬縣。後魏因之。隋

屬東郡。唐屬濮州。五代晉天福三年改置澶州。四年移濮陽縣入州治。開運元年升為鎮。寧軍節度宋曰澶州。澶淵郡。鎮寧軍節度。崇寧四年建為北輔。五年升為開德府。宣和二年罷輔郡。屬河北東路。金仍曰澶州。皇統四年改曰開州。屬大名府。路元因之。明洪武初以州治濮陽縣。省入。仍屬大名府。

本長垣縣 在府西南二百五十里。東西距七十里。南北距六十五里。東至東明縣界四十里。西至河南衛輝府滑縣界三十里。南至河南開封府蘭陽縣界四十里。北至滑縣界二十五里。東南至開封府儀封縣治一百里。西南至開封府封邱縣界三十里。東北至東明縣治七十里。西北至滑縣治九十里。春秋衛地。戰國魏首垣邑。漢置長垣縣。屬陳留郡。後漢為長垣侯國。晉復為縣。屬陳留國。後魏太平真君八年併入外黃。景明五年復置。屬東郡。隋開皇十六年改曰匡城。仍屬東郡。唐屬滑州。五代梁復曰長垣。屬開封府。後唐復曰匡城。宋建隆元年避諱改曰鶴邱。尋復曰

長垣仍屬開封府金泰和九年以限河不便改屬開州元初屬大名路至元二年仍屬開州明因之本朝屬大名府

形勢 屹屹魏土山河之固宋劉攽魏京詩 轟如巨防扼為要

津 宋江休復縣壁記 九河綿絡之奧區宋黃庭堅上梁文 南距衛

北負漳為險舊府志

風俗 俗近梁魯微重而矜節史記貨殖傳 剛武尙氣力漢書

地理 人人知本農桑勸學校宋晁无咎澶淵登科記 俗尙義

槩有古推遜之風澶淵舊志 先人後已務崇禮讓元志

城池 大名府城 周八里有奇門四外有濠廣七丈五尺明建文三年築嘉靖四十年甃甃

本朝康熙中兩修 大名縣城 周五里門三濠廣一丈二尺明景泰間築 魏縣城 周五

里有奇門六濠廣二丈四尺明正統十四年土築宏治四年築堤周八里餘護之正德二年因堤築

為外郭外復為濠 崇禎九年甃甃 南樂縣城 周六里有奇門四濠廣一丈元末築明嘉

靖三十四年甃甃 本朝康熙十二年重修 清豐縣城 周五里有奇門四濠廣三丈明

成化初築崇禎十一年甃甃 東明縣城 周七里有奇門四濠

廣六丈明宏治四年築崇禎十二年重修 開州城 舊土城周二十

四里門四濠廣一丈宋時舊 長垣縣城 周八里有奇門四濠

廣四丈六尺明正統十四年築崇禎十年甃 本朝康熙中兩修雍正元年築護城堤

學校 大名府學 在府治東南明 元城縣學 在縣治西 永樂元年建

元年 大名縣學 在縣治西南明 魏縣學 在縣治東
建 洪武三年建 明洪武三

年 南樂縣學 在縣治東南明 清豐縣學 在縣治北
建 洪武三年建 明洪武七

年 東明縣學 在縣治東南 開州學 在州城東門內
建 明宏治中建 元大德間建

長垣縣學 在縣治西明洪武元年建 元城書院 在
以上各學 本朝俱屢修 府

治西南明正德中建祀宋劉安 崇義書院 在開州
世有上達樓雄壯甲於一郡 東十八

里元國子生唐兀崇喜 明道書院 在開州治東明
建請于朝賜名崇義 萬歷中知州王

折建祀 程明道

戶口

原額人丁四十一萬七千六百二十八又滋生丁五千三百三十二
田地六萬五千八百八十八頃五十畝一分六釐零額徵地丁銀三十七萬八千二百八十七

田賦

兩九錢五分七釐零粟四十二石一斗二升七合麥四十二石一斗二升七合

山川

沙麓山 在元城縣東春秋僖公十四年沙鹿崩 公羊傳沙鹿者何河上之邑也穀梁傳

林屬于山為鹿沙山名也漢書元后傳王翁孺既 徙魏郡元城委粟里元城建公曰昔春秋沙鹿崩

晉史卜之曰後六百四十五年宜有聖女與其齊 田子今翁孺徙正直其地日月當之元城郭東有

五鹿之墟即沙鹿地也後八十年當有貴女與焉 後元后歷漢四世為天下母水經注周穆王喪盛

姬東征舍於五鹿其女叔姓屈此思哭是曰女姓 之邱為沙鹿之異名也元和志沙鹿在縣東十二

里明統志沙麓山在 恆山 在大名縣北元和志貴 府城東四十五里 鄉縣古堰今名恆山在

縣西九里漢成帝時河決金堤河堤使者王延世 募人運土塞河之處以其恆當人情故謂之恆山

明統志恆山在大名縣北十五 方山 在南樂縣北 里舊志土阜突然卉木周鬱 七里舊有二

土山並峙其形正方宋嘉祐以後大河經縣境蕩決不時遂為平陸其地名方山村 **秋山** 在

豐縣西元和志在頓邱縣西北三十五里今無考 **金沙山** 在開州治東迤

棣守開德金人來攻棣與弟彭年力戰死之人為瘞骨立塚如山因以沙名又有鷄鳴山在州城內

蓮花 在開州東南五里土岡綿亘數里山 **沼後** **洪洋山** 南有浮翠橋即澶水所經又寰宇記

有衛陽山在濮陽縣東南二十里居衛之陽又鮒 **鰓山** 在頓邱縣西北三十里今名廣陽山山海經

云顓頊葬其陽九殞葬 **龍光山** 在東明縣東南三其陰今皆不知所在 十里以雲氣如龍

而名歲旱 **白雲山** 在東明縣東北二十里郊原平禱雨有應 衍土山突起相傳張良辟穀於

此其里曰白雲里 **五霸岡** 在東明縣東南五十里相近又有懷良村 相傳春秋時會盟處亦

名霸 **黃陵岡** 在東明縣東南八十里接山東曹縣王岡 界元時賈魯治河始此詳見曹縣

大岡 在長垣縣東五十里 **荆岡** 在長垣縣東南四 **當集之中岡** 雄堤環抱形勢屹然 十里荆岡集岡頂

畔有琉璃井 **青岡** 在長垣縣西二十里平地突起 土皆青色故名岡頂有寺下有

白蓮池南二百步有 **學堂岡** 在長垣縣北十里平 小阜相傳為英王塚 廣突兀近岡土皆赤

色相傳孔子嘗過此講學今有廟明天順中建其 前又有小岡形勢連亘又金哀宗興定二年濟河

至蒲城次瀝麻 **古黃河** 有三道一自河南滑縣流 岡應在今縣界 入經開州西北又東北經

清豐縣南又東北經南樂縣西北又東北經元城 縣東又東北入山東館陶縣界此西漢以前黃河

經行之故道也漢書武帝紀元光三年春河水徙 從頓邱東南流入勃海夏河水決濮陽汜郡十六

發卒十萬救決河溝洫志河至大伾禹醜二渠以 引其河北載之高地過降水元光中河決瓠子後

二十餘歲乃塞之道河北行二渠復禹舊跡孟康 曰二渠其一出貝邱西南南折者也其一則漯川

河自王莽時遂空。惟用漯耳。水經注：河水自涼城又東北為長壽津。故瀆出焉。一則漯川。今河所流一則北瀆。王莽時空。故俗名是瀆。為王莽河。東北逕戚城西。又逕繁陽縣故城東。又北逕陰安縣故城西。又東北逕元城縣故城西北。而至沙邱堰。自堰南分。屯氏河出焉。元和志：王莽河。西去昌樂縣十六里。去貴鄉縣三里。寰宇記：王莽河在頓邱縣北十里。接清豐。入南樂縣界。又在德清軍城西南五里。一自滑縣流入。經開州西南。又東北經清豐縣南。又東北入山東觀城縣界。此東漢以後及唐時故道。其自開州又東北出。逕大名元城之東者。宋時北流故道也。水經：河水東逕鐵邱南。東北流逕濮陽縣北。為濮陽津。又東北逕衛國縣南。元和志：黃河南去臨河縣五里。北去濮陽縣十五里。又在頓邱縣南三十五里。清豐縣南五十里。宋史：河渠志：澶州有濮陽。大韓。大吳。商胡。王楚。橫隴。曹村。依仁。大北。岡孫。陳固。明公。王八。凡十三埽。大名府有

孫村。侯村。二埽。景德元年。河決橫隴埽。慶歷八年。決商胡埽。皇祐元年。合永濟渠。注乾寧軍。是謂北流。嘉祐元年。塞商胡。北流入六塔河。河不能容。是夕復決。五年。河流派別於魏之第六埽。曰二股河。自魏思東。至德滄入海。是為東流。熙寧二年。開修二股河。東流閉。北流十年。大決於曹村。澶淵北流。斷絕。河道南徙。東匯於梁山。張澤。濼分為二派。一合南。清河入淮。一合北。清河入海。元豐元年。決口塞。河復歸北。四年。小吳埽復大決。自澶注入御河。八年。河流雖北。而孫村低下。漲水往往東出。於是回河東流之議起。元祐元年十一月。張問請於南樂大名埽。開直河。并簽河。分引水勢入孫村口。於是減水河之議復起。四年。詔罷回河。及修減水河。元符二年。河決內黃口。東流遂絕。舊志：金時河徙而南。北流亦絕。諸口皆為平陸。今開州境內有商胡埽。在州東北三十里。六塔河。在州東北十七里。自商胡東南。通橫隴之支渠也。孫村埽。在州東北三十四里。橫隴埽。在州東。一自河南封邱縣流入。

經長垣縣南。又東經東明縣南。又東入山東曹州界。此宋南渡以後，黃河改流之故道也。明統志長垣縣南六十里。及廢東明縣南五十里。皆有黃河故道。正統十三年，河決陽武，循故道至開州南百二十里。東抵濮州張秋。其流奮激，聲聞數十里。俗名響子口。舊志：正統十四年，河決長垣朱家口。宏治二年，又決封邱荆隆口。漫入長垣東明。嘉靖十五年，河南徙杜勝集。萬歷十五年，又決荆隆口。由長垣毛家潭直薄東明。本朝順治七年，又決荆隆口。循響子口故道入洪河，委折東北。凡十二餘里。下通張秋。今有淘北河。一作淘背河。在長垣縣南三十里。東流至紙坊集入河。又有白家河。在縣東南三十里。自毛家潭東經盛橋入河。又有枯河。在東明縣南六十里。皆黃河舊流也。朱家口在長垣縣東南七十里。響子口在東明縣西南二十里。

衛河 自河南內黃縣流入。經魏縣南。又東北經大名縣東南。又東北經元城縣東。又東北入山東館陶縣界。即古白溝水。亦名永濟渠。亦名御

河水經注：白溝自內黃北逕高城亭東。洹水注之。又北逕問亭東。即魏界也。左與新河合。又東北逕銅馬城西。又東北逕羅勒城東。漳水注之。謂之利漕口。又東北逕趙城西。又北阿難河出焉。又東北逕空陵城西。又北逕喬亭城西。東去館陶縣故城十五里。元和志：永濟渠西去洹水縣二里。唐書地理志：貴鄉縣有西渠。開元二十八年，刺史盧暉徙永濟渠自石灰窠引流至城西。西注魏橋。以通江淮之貨。寰宇記：魏縣白溝水接館陶縣界。南自洹水縣界流入。元史：河渠志：御河自魏縣界經元城縣泉源鄉于村渡。南北約十里。東北流至包家渡。下接館陶縣界三口。舊志：元時衛河猶在府北。明正德中始出府南。經艾家口。又東北經小灘鎮入館陶縣界。嘉靖三十六年，漳水自魏縣南迴龍鎮決入衛河。遂捨艾家口。改經大名縣南。東北流至小灘鎮西南。全道村始入舊河。萬歷十六年，漳水還北流。衛河故道。漳河有新舊二河。俱自河南臨漳遂為漳水所奪。

又東北入山東館陶縣界元和志魏縣舊漳河在縣西北十里新漳河在縣西北二十里明統志舊漳新漳二河俱在魏縣西北流至府城西宋時嘗引注雕馬河入府城灌御河又從西北陡門出灌流沙河復入漳河漕運舊志明初漳水自河南臨漳縣東流折北經魏縣南關又東北歷府城西北二十里西店集東注館陶合衛水所謂舊漳河也正德初徙從府西南閻家渡入衛又十餘年自魏縣東南雙井入衛皆由府南艾家口東北流經小灘鎮入館陶界嘉靖三十六年復自魏縣西南迤龍鎮入衛萬歷十六年始還北流今經魏縣南十八里又東入府界亦曰新漳河即衛河故道也今之新漳非元和志之新漳矣按通志今新漳河北徙自廣平縣流經魏縣東北至府北界又東抵館陶入衛舊志所謂新漳河硝河源出濬縣流經由魏縣南者今又為舊漳矣滑縣分為二一東流經開州西為馬頰河又東北經戚城北又東匯為趙村陂至白倉北會傅家河又北經清豐縣

西又北經南樂縣西至縣北為岳儒固河又北入大名縣達元城縣東城館下流入山東朝城等縣一由內黃縣東北經大名縣南界又東北注於縣東之三角潭分十之三自飲牛口注衛十之七自梅家口注衛水潦則由石村分注開州北火燒店經清豐縣西秦村而北注岳儒固河或由內黃而東經南樂縣西亦會於岳儒固河其水沙河在元瀉瀙下墊凡所經流率數歲不復芻牧東大河支流也宋史河渠志元祐四年李偉開北京南沙河直堤第三鋪放水入孫村口明統志沙河舊自府城西南引漳河入城灌御河復西北出城灌流沙河南北約長二十里東西闊二里其河常不定形勢如山相近洪河在東明縣東南三里許自滑縣流入徑縣沙麓舊志此河今堙

界洪門村雲臺口又徑南關東關濮河自河南封邱縣流入又東北會濮水入山東濮州界經長垣縣北又東經東明縣南又東經開州東南合淇河入山東濮州界俗訛為普河水經注濮河

故瀆自濟東北流左迤為高粱陂方三里又東逕匡城北又東北左會別濮水又東北與酸水故瀆會又東逕蒲城北又東逕韋城南又東逕長垣縣故城北又東分為二瀆北濮出焉濮渠又東逕須城北又北逕襄邱亭南又東逕濮陽縣故城南又東逕離狐縣故城南又東逕葭密縣故城北又東北逕鹿城南又東與句瀆會與濟同入鉅野元和志濮水在南華縣南五里寰宇記南華縣濮水西自滑州韋城縣界入又東入乘氏縣界明統志濮水在開州東南六十里舊志今有五里河在長垣縣北乃河南黑陽山諸水下流自滑縣流入西南抵小務口又東南流入河又有遂家河在縣東北三里自小務口東流入東明縣河為縣巨浸蓋皆濮渠餘流也其東明縣者俗又訛為普河自縣南三十五里袁長官營東北流經縣東南八里袁旗營又東北經任二營趙官營又東北入於洪河

漆河 在東明縣北門外源自河南黑陽山東流逕縣西漆堤北又東逕縣北關外又東合於洪

河漆堤在縣西十二里居民築之以障漆水

賈魯河 在東明縣東南元史河渠志至正四年

年河決白茅堤又決金堤水勢北侵安山沿入會通運河督漕運使賈魯議挽河東行以復故道丞相脫脫朮其策十一年四月命魯為總治河防使與繕鳩工十一月工畢河復故道南滙於淮東入於海其濬故道通長二百八十里有奇始自白茅長百八十二里繼自黃陵岡至南白茅關生地十里南白茅至劉莊村接入故道十里縣河賈魯河在縣南六十里斷頭堤外

澠河 在東明縣南五十里西南自故黃河來折而東北入山東曹州界今澗故道猶存

屯氏河故瀆 在元城縣東北漢書溝洫志自塞宣防後河復北決於館陶分為屯氏河東北經魏郡清河信都勃海入海廣深與大河等水經大河故瀆自沙邱堰南分屯氏河出焉逕館陶縣東按舊志謂在大

名縣東

瓠子河故瀆 在開州南史記河渠書元光中河決於瓠子東南注鉅野

通於淮泗使汲黯鄭當時與人徒塞之輒復壞後二十餘歲使汲仁郭昌發卒數萬人塞瓠子決天子自臨決河沈白馬玉壁於河令從官自將軍以下皆負薪實決河卒塞瓠子蘇林曰瓠子河在郾城以南濮陽縣以北廣百步深五丈許水經瓠子河出東郡濮陽縣北注縣北十里即瓠子河口也漢元封二年塞瓠子口築宮於其上名曰宣房宮故亦謂瓠子堰為宣房堰平帝以後未及修理永平十二年顯宗詔王景治渠築堤瓠子之水絕而不同惟溝瀆存焉河水舊東流逕濮陽城東北又東逕桃城南又東南逕清邱北又東至句陽寰宇記瓠子口在濮陽縣西南十七里河津明統志在開州西南二十五里

洹水 在魏縣西南三十里自臨漳縣流入古洹水支流也水經注洹水枝津謂之新河東逕鸕鷀陂北與台陂水合注白溝河元和志洹水縣洹水西自堯城縣界流入舊志今併入

澶水 在開州西南大河分流也一名繁水漳河一名浮水春秋襄公二十年盟于澶

淵杜預注澶淵在頓邱縣南今名繁汙水經注浮水故瀆上承大河於頓邱縣而北出東逕繁陽故城南張晏曰縣有繁淵春秋盟于澶淵即繁淵也亦謂之浮水又東絕大河故瀆又東逕五鹿之野又東逕衛國縣入東武陽縣入河寰宇記澶淵在臨河縣東南十七里黎州東北八十里又十三州志云澶水在頓邱西南三十里伏流至繁城西南明統志繁水在南樂縣西北三十五里舊志澶州陂在開州西南其水由州南界東北經城東二十里曰清河頭十之七分注於霸家河又東逕濮州入張秋河十之三分注於清豐縣東南界孫固城北滙為朱龍河亦曰龍窠河又西受硝河之水流經縣北邵家灣英滿城又北入南樂縣界經縣東南四十里又東入山東觀城縣界蓋即古繁水故瀆也

古濟水 在東明長垣二縣南北濟也水經濟瀆北逕宛句縣故城北又東北與濮水合注濟瀆自武父城北東逕濟陽縣故城北又東北逕煮棗城

南又東北逕呂都縣故城南
又東北逕定陶縣故城北
胡柳陂 在開州東南五十里接山

東濮州界五代梁貞明四年晉
王與梁軍大戰處詳見濮州
張家潭 在大名縣東二里魚

藻繁衍冬夏不涸每衛河水
自東南決多由此溢入縣城
三角潭 在開州東南十五里方塘

百畝歲久不涸或以為龍湫也
建龍王祠於其上禱雨輒應
白水潭 在開州西五里林

樹交蔭菱荇縱
橫為近郊勝地
傅家潭 在南樂縣西北四里周約二里今涸
黃龍潭

在清豐縣東南三十五里
斷堤之間約二十餘頃
余家潭 在東明縣東十里北曰長潭南

曰圓潭相
去一里許
黑龍潭 在開州西南瓠子河口大旱不
竭俗稱龍湫又有蓮花潭在黑

龍潭南三里方五六頃每
秋水泛溢則二潭相通
閻家潭 在長垣縣東南六十七里明正

統十四年河水決入縣境回流衝蓋因成此潭宏
治五年築堤環之潭西七里曰牛家口東三里曰

大岡皆築堤
以防決溢處
西湖 在開州西南舊時河流匯入
積而成湖周數百畝後涸
蓮

花池 有三一在大名縣東二十里一在南樂縣東
十八里乃東黃河所溢一在縣西北三十里

舊為繁水所
溢今皆涸
鳳溝 在長垣縣西四十里
艾家口 在元城縣南接大名縣界

舊時衛河所經也明
初置水驛於此後廢
飲牛口 在元城縣東十里地勢窪下每秋雨霖潦

水積其中即水退不可耕植
明嘉靖二十四年開為官渠
寒泉 在開州南詩衛

浚之下水經注浚城側有寒泉岡世謂之
高平渠非也通典寒泉在濮陽縣東南
御井 在

州治南泉極甘列宋
真宗駐蹕時所鑿

古蹟 魏州故城 在今府東東魏始置貴鄉縣唐時貴鄉縣唐書地理志

魏州漢元城縣地後魏天平二年分館陶西界於
今州東北三十里古趙城置貴鄉縣後周建德七

大名府

年以趙城卑濕西南移三十里就孔思集寺為縣
 廩大象二年於縣置魏州武德八年移縣入羅城
 開元二十八年刺史盧暉移於羅城西百步大歷
 四年又移於河南岸元和志魏州城前燕慕容暉
 所築周宣帝於此置州理開元十三年又移元城
 縣於州東北三百步貴鄉管西界元城管東界今
 為魏博節度理所寰宇記後唐同光元年升州為
 東京興唐府三年改為鄴都晉天福初改為廣晉
 府又改貴鄉曰廣晉漢乾祐元年改為大名府大
 名縣宋史地理志慶歷二年建大名府為北京宮
 城周三里一百九十步即真宗駐蹕行宮殿曰班
 瑞時巡靖方慶寧京城周四十八里二百六步門
 十七舊志宋熙寧六年省大名縣入元城後移南
 樂鎮自是元城獨為府治明洪武三十一年衛河
 泛溢城圯因遷今治舊府城在今城東十里按
 魏地形志舊唐志皆云貴鄉縣天平二年置而元
 和志作孝文帝置寰宇記
元城故城 此三皆在今
 作太和二十一年皆誤 元城縣東漢

初置元城縣在沙麓旁應劭曰魏武侯公子元食
 邑於此故縣氏焉歷晉魏至北齊始廢隋開皇中
 復置唐又遷此舊唐書地理志隋元城縣治古殷
 城貞觀十七年併入貴鄉聖歷二年又分貴鄉莘
 縣置治王莽城開元十三年移治州郭下古殷城
 在朝城東北十二里舊志王莽城在舊州城東北
 二十餘里王莽河北岸亦謂之故元城五代梁貞
 明二年晉王自貝州還擊劉鄩追至故元城是也
馬陵故城 在元城縣東南春秋成公七年同盟于
 馬陵史記魏惠王三十年齊孫臏擊魏
 大敗之馬陵殺其將龐涓隋書地理志元城縣開
 皇六年又置馬陵縣大業初廢元和志馬陵在元
 城縣東南一里寰宇記在縣東南
魏縣故城 在今
 十里舊志在今縣東南五十里
 南漢置縣應劭曰魏武侯別都也北齊省入昌樂
 隋開皇六年復置元和志縣東至魏州四十里舊
 唐書地理志漢舊縣在今縣南天寶三年移於今
 所明統志故魏縣城在府西三十五里今為舊縣

店舊志故城在今縣東三十里俗名舊縣村宋熙寧中移治洹水鎮明洪武三年復為漳河所衝蓋始遷五姓
洹水故城 在魏縣西南漢內黃縣地晉置長樂縣屬魏郡後魏省孝

文復置長樂縣北齊省入臨漳後周建德六年又分臨漳東北界置洹水縣隋屬魏郡唐屬相州元和志熙寧六年省洹水縣為鎮入成安舊志故城在成安縣東南三十里後改屬魏縣洹水鎮在今縣

西南二十里
漳陰故城 在魏縣西隋開皇十六年亦名舊魏縣析魏縣置漳陰縣屬魏州

大業初省入唐武德四年復置貞觀元年仍省入
昌樂故城 在南樂縣西北魏書地理志昌樂縣太和二十一年分魏置元和志縣北至

魏州五十里本漢舊縣屬東郡後漢省後魏孝文帝於漢舊城置昌樂郡及昌樂縣周武帝改屬魏郡隋屬魏州舊唐書地理志昌樂縣晉置屬陽平

郡後魏置昌州今縣西古城是也隋廢昌樂縣入繁水武德五年復置隸魏州今治所武德六年築在今治西北二十五里俗訛為昌意城謂黃帝子

昌意所築按水經注以昌樂為即漢東郡屬縣元和志因之舊唐志又以為晉置而晉志不載各書參錯不一今考漢志本作樂昌名既不同且地在黃河西亦非東郡之界疑本魏縣地惟地形志

足據諸書之說恐皆有誤
平邑故城 在南樂縣東北本趙地史漢為元城縣地東魏天平二年分置平邑縣屬魏郡北齊廢隋開皇十六年復置大業初併入貴鄉

括地志平邑故城在昌樂縣東北四十里明統志在南樂縣東北七里唐馬燧嘗提兵至此今有浮屠舊志今為平邑村有馬燧營遺址
繁水故城 在南樂縣西北隋開皇六年分昌樂縣置

大業初廢昌樂縣入之唐初屬魏州貞觀十八年省入昌樂縣志故城在縣西北三十五里
頓

邱故城

在清豐縣西南春秋衛頓邱邑在今濬縣界漢置頓邱縣於此屬東郡晉為頓邱治

後魏因之北齊郡縣俱廢隋開皇六年復置頓邱縣唐置澶州治此元和志澶州北至魏州一百十里南至濮陽縣三十里寰宇記古頓邱縣在清豐縣東南十五里本舊澶州理所晉天福三年隨州移於德勝寨於舊州置頓邱鎮四年改鎮為德清

軍開運二年又移軍於陸家店此城廢胡三省通鑑注九域志清豐縣有舊州鎮即頓邱城也

明統志頓邱故城在清豐縣西南二十五里

陰安

故城在清豐縣北漢置縣屬魏郡元朔三年封濟北貞王子不害為陰安侯五年又封衛不疑

於此後漢永安五年為肅宗女吉食邑仍屬魏郡晉屬頓邱郡後魏真君三年併入魏國太和十九

年復置仍屬頓邱郡北齊省入頓邱縣舊唐書地理志頓邱縣後移治於陰安城今縣北古陰安城是也舊志陰安故城

在清豐縣北二十里清豐故城在今清豐縣西元和志縣東至澶州

十五里本漢內黃縣地大歷七年於清豐店置因以為名舊唐書地理志清豐縣割頓邱昌樂二縣界四鄉置以縣界有孝子張清豐門闕魏州田承嗣請為縣名寰宇記縣在澶州西北五十五里舊

志按宋志慶歷四年徙清豐縣治德清軍廢此城為鎮九域志清豐縣有清豐鎮即此

德清

軍故城在清豐縣西北寰宇記晉天福四年改頓邱鎮為德清軍開運二年又移德清軍於

陸家店在新澶州北七十里南至舊澶州二十五里北至南樂縣二十五里西南至清豐縣三十里

宋史地理志慶歷四年徙清豐縣治德清軍即縣置軍使隸澶州舊志德清城在今縣西北三十里

按清豐縣自慶歷中移治德清城其後以水患又遷今治今不可考明統志清豐故城在今縣西

北十八里宋時因水故遷今縣蓋即德清城也明志不知宋慶歷中移清豐治德清城乃謂徙德清

軍治清豐又別載德清城

濮陽故城在開州西南漢縣本古帝

邱也春秋僖公三十一年衛遷于帝邱左傳昭公
 十七年梓慎曰衛顛頊之虛也故為帝邱史記衛
 嗣君五年獨有濮陽元君十四年秦徙野王縣而
 併濮陽為東郡漢書地理志東郡治濮陽縣衛成
 公自楚邱徙此故帝邱顛頊虛元和志濮陽縣東
 至濮州八十里本濮舊縣隋開皇十六年改屬濮
 州寰宇記晉天福四年詔移濮陽縣於澶州之南
 郭為理所胡三省通鑑注五代以前濮陽在河南
 宋澶州治之濮陽晉天福四年移就澶州南郭者
 也舊志故城在開州西南二十里按明統志又
 有帝邱城在滑縣東北七十里土山村
 即衛成公所遷蓋即濮陽城境相接也 **故德勝城**
 在開州有南北二城今州治即北城也其地本名
 德勝渡為河津之要五代梁貞明五年晉將符存
 審於德勝渡南北築兩城守之謂之夾寨梁賀瓌
 攻德勝南城不克晉王尋自魏州發徒數萬廣德
 勝北城自後梁晉相爭於此小大凡百餘戰石晉
 時慮契丹為患遂移澶州跨德勝津併頓邱徙焉

寰宇記晉天福三年自舊澶州移於夾河造舟為
 梁頓邱縣亦隨州移理四年又移濮陽縣於州之
 南郭漢乾祐元年移州就德勝寨故基周世宗又
 移今理明統志德勝寨在開州南三里漢乾祐初
 自夾河移澶州於此周世宗又遷於夾河與德勝
 寨南北相直故居人有南澶北澶之目舊志宋初
 州治頓邱縣而濮陽縣在州東門外景德初契丹
 入犯寇準勸帝親征駕至澶州南城駐蹕準固請
 渡河御北城門樓蓋是時州治南城也熙寧十年
 南城圯於水移治北城惟以濮陽縣為治明初始
 省入 **昆吾故城** 在開州東詩商頌韋顧既伐昆吾
 夏桀國語昆吾為夏伯左傳哀公

十七年衛侯夢於北宮見人登昆吾之觀杜預注
 衛有觀在古昆吾氏之虛今濮陽城中漢書地理
 志濮陽本顛頊之虛夏后之世昆吾氏居之隋書
 地理志濮陽開皇十六年分置昆吾縣大業初入
 焉舊唐書地理志武德四年分濮陽置昆吾縣八
 年併入濮陽括地志昆吾故城在濮陽縣西二十

里昆吾臺在縣西百步寰宇記顧頊城在臨河縣東北三里隋於城內置昆吾縣昆吾臺在城中高

丈臨河故城在開州西漢黎陽縣地後魏永安元年分置東黎縣屬黎陽郡北齊廢隋

開皇六年置臨河縣屬汲郡唐武德初屬黎州貞觀十七年州廢屬相州元和志臨河縣西北至相

州一百二十里其城本春秋時衛築新城也寰宇記縣在澶州東六十五里魏東黎縣也隋置臨河

縣南臨黃河為名唐天祐三年屬魏州晉天福九年隸澶州文獻通考紹興間臨河縣為黃河水淤

廢明統志廢臨河縣在開州西六十里按府志在內黃縣南三十里滑縣志又謂在縣北六十里

蓋境相澶水故城在開州西二十里本臨河內黃頓即三縣地隋開皇十六年置

澶淵縣以南臨澶淵為名屬汲郡唐初避諱改曰澶水屬黎州武德四年屬澶州貞觀元年澶州廢

還屬黎州十七年省入臨河寰宇記廢澶淵縣在臨河縣東四十里離狐故城在東

東南元和志南華縣東南至曹州一百二十里本漢離狐縣屬東郡舊傳初置縣在濮水南嘗為神

狐所穿穴遂移城濮水北故曰離狐後漢屬濟陰郡魏志李典從太祖遷離狐太守然則魏時為離

狐郡也晉屬濟陰郡開皇三年罷郡縣屬曹州天寶元年改曰南華寰宇記離狐故城在今縣西北

三十三里後魏移今地通考南華縣金時為黃河滄廢舊志故城在東明縣東北十里西臺集又曰

在曹州西四十里李二莊蓋境相接也又東明故山東單縣有離狐城乃劉宋僑置非故縣

城北有三其一在河南蘭陽縣界即故陽武戶牖鄉漢置曰東昏縣王莽改曰東明晉省宋復置

東明縣其二在今東明縣界金時東明以河患徙河北寃句故地今日南東明集在縣西三十里明

洪武初徙治雲臺集尋廢今日西東明集在縣西十五里宏治四年復置縣於大單集即今治也

按舊志槩以陽武戶牖漢宋東昏東明事混入今縣皆誤長垣故城在今長垣縣東北漢

置縣本魏之首垣邑也。戰國策韓侈謂秦王曰：進齊宋之兵至首垣，遠薄梁郭。史記趙肅侯七年，公子刻攻魏首垣。水經注：長垣故首垣。秦更從今名。陳留風俗傳曰：縣有防垣，故縣氏之。孝安帝以建光元年封宋俊為侯國。隋時移治故匡城北，改名曰匡城。又分韋城置長垣縣。大業初，仍省入韋城。唐武德初，又分匡城置長垣縣，屬滑州。八年，又省入匡城。括地志：長垣故城在匡城縣東北二十七里。宋初改匡城為長垣縣。金初遷縣於柳家村。明洪武元年，以水患又遷於蒲城，即今縣也。縣志舊長垣集，即柳家在縣東北四十里。地名鮑壘，今有廢城，寬壘深濠，猶然險固。按明統志：秦長垣縣城在今縣西南三十五里，誤。參考括地志：寰宇記當在今縣東北十餘里。**故匡城**，在長垣縣西南。春秋僖公十有五年，盟于牡邱，遂次于匡。杜預注：匡，衛地。在長垣縣西南。論語：子畏於匡。後漢書郡國志：長垣有匡城。又平匡有匡亭。北征記：匡城周二里。元和志：匡城縣西北至滑州一百里。隋

開皇十六年，於此置匡城縣，屬滑州。故匡城在縣西南十里。寰宇記：隋於婦姑城置匡城縣，謂縣南有古匡城為名。朱梁割屬開封。宋初改為長垣縣。在開封府東北一百里。縣志：今縣西南有司家坡，即古匡城也。**故蒲城**，今長垣縣治。春秋桓公三年，齊侯衛侯胥命于蒲。杜預注：蒲，衛地。在長垣縣西南。家語：子路治蒲三年，孔子過之，三稱其善。括地志：故蒲城在匡城縣北十五里。寰宇記：在長垣縣東北十里。舊**平邱故城**，在長垣縣西南。志明：洪武初遷縣於此。本衛邑。春秋昭公十三年，會于平邱，即此。漢置平邱縣，屬陳留郡。後漢因之。晉省。杜預左傳注：平邱在長垣縣西南。魏書地形志：長垣有平邱城。寰宇記：平邱城在陳留縣北九十里。縣志：在今縣西南五十里。**長羅故城**，在長垣縣北。漢宣帝本始四年，封常惠為侯國，屬陳留郡。後漢建武五年，封樊宏為長羅侯。十五年，徙廢。水經注：圈稱言長垣縣有羅亭，故長羅縣也。後漢省併長垣。有長羅澤。又有長羅

岡寰宇記長羅縣城在長垣縣東北四十里
明統志長羅城在舊長垣縣西南三十里
南樂

故鎮 今大名縣治本漢樂昌縣地東魏於今府東
置貴鄉縣唐為魏州治五代漢改曰大名宋

熙寧六年省入元城紹聖二年復置政和六年移
治南樂鎮金仍徙縣入府郭南樂仍為鎮屬南樂

縣元至元九年復自府城移縣治此 按名勝志
縣故城距今治十三里有臺曰惠王臺魏王所築

今不知所在疑指 **五鹿城** 有二一在元城縣東一
唐時貴鄉故治也 在開州南左傳僖公二

十二年晉公子重耳過衛出于五鹿乞食于野人
杜預注五鹿衛地今衛縣西北有地名五鹿元城

縣東亦有五鹿水經浮水故瀆東逕五鹿之野注
晉文公受塊于野人即此處也京相璠曰今衛國

縣西北三十里有五鹿地今屬頓邱縣元和志五
鹿墟在元城縣東十二里寰宇記濮陽縣五鹿城

在縣南 **陽狐城** 在元城縣東北史記齊宣公四十
三十里 三年田莊子伐晉圍陽狐括地志

陽狐郭在元城縣 **幾城** 在元城縣東南史記趙惠
東北三十二里 文王二十三年樓昌將攻

魏幾不能取十二月廉頗將攻幾
取之括地志幾城在元城縣東南 **空陵城** 在元城

魏書地形志貴 **魏武侯城** 在元城縣南十里相傳
鄉縣有空陵城 魏武侯所置舊有壇亦

曰武 **昌城** 在南樂縣南晉永和六年趙將張賀度
侯壇 等會於昌城將攻冉閔於鄴魏書地形

志昌樂縣有昌城明統志南樂縣界
有昌意城黃帝子昌意所築即此 **朝城** 在南樂

十五里近山東朝城縣界唐置 **觀澤城** 在清豐縣
朝城縣以此為名今名韓張堡 東史記趙

武靈王九年齊敗我觀澤括地志 **衛城** 在清豐縣
觀澤故城在頓邱縣東十八里 東南四十

里相傳衛靈公所都又有聶城在縣東北春秋僖
公元年齊師次于聶北或以為即此城之北又有

瓦屋頭集在縣東三十五里或謂春 **孫固城** 在清
秋隱公八年宋齊衛盟于瓦屋即此 豐縣

東南十五里。周五里。宋時大河經流處。即所謂孫村也。又六塔集在縣東南三十里。亦即六塔河之故渠也。

浚城 在開州南。詩衛風在浚之城。水經注。濮水枝津。東逕浚城南。北去濮陽三十五里。志。衛國縣有竿城。水經注云。河之西岸有

竿城。蓋即干城之訛也。今州北有干城村。又清豐縣志。在縣西北三十里。

鹹城 在開州東南六十里。春秋僖公十有三年。會于鹹。杜預注。鹹。衛地。濮陽縣東南有鹹城。

戚城 在開州北。春秋文公元年。公孫敖會晉侯于戚。杜預注。戚。衛邑。在頓邱。衛縣西。水經注。戚。衛之河上邑。漢高帝十二年。封將軍李必為侯國。括地志。故戚城在澶水縣東三十里。寰宇記。在澶州北十里。明統志。在開州北七里。又清豐縣志。戚城在縣南三十五里。

懿城 在開州西北。左傳。襄公二十六年。晉討衛疆。戚田。取衛西鄙。懿氏六十。以與孫氏。杜預注。戚城西北五十里。有懿城。因姓以名城也。

漆園 在東明縣東。史記。莊周嘗為蒙漆園吏。括地志。漆園故城在曹州冤句縣北十七里。寰宇記。漆園城在冤句縣北五十里。舊嘗置監。城北有莊周釣臺。明統志。漆園城在東明廢縣東北二十里。今名漆園村。舊志。在

今東明縣東十里。**煮棗城** 在東明縣東南。史記。蘇地。東有懷。潁。煮棗。後漢書。郡國志。冤句有煮棗城。元和志。煮棗故城在冤句縣西北四十里。漢書。樊噲攻煮棗。故城在冤句縣西北四十里。漢書。樊屠之是也。

武父城 在東明縣西南。春秋。桓公十二年。武父鄭地。陳留濟陽縣東北有武父城。按水經注。引關。關曰在濟陽縣西北。又謂濟陽即故武父城。二說未

知孰是。**祭城** 在長垣縣東北。後漢書。郡國志。長北有祭城。縣志。今縣東北有祭城村。按杜注。以此城為鄭祭封人邑。今考此乃衛地。不應為鄭臣

采。龍城 在長垣縣南。魏書。地形志。長垣有龍城。寰宇記。龍城在縣東南二十里。昔夏臣龍逢

邑。

所居因以為名縣
志今名龍相村
鶴城 在長垣縣西南括地志故

鶴城 在長垣縣西南十五里俗傳衛懿公養鶴於此城因名
訾婁城 在長垣縣西左傳僖公十八年衛侯師於訾婁

元和志訾婁城在匡城縣西北十八里
按婦姑 滑縣志謂在縣西南六十里蓋境相接也

城 在長垣縣南十里縣舊治於此故墟猶存舊有婦姑廟今移南關廂或云莊姜死衛人愍而祀

之旄邱 在開州西詩衛風旄邱之葛兮
清邱 在開州東

南七十里春秋宣公十二年同盟于清邱杜預注清邱衛地在今濮陽縣東南水經注瓠瀆又東南

逕清邱北京相璠曰在濮陽縣東南三十里魏都尉治元和志在臨濮縣西三十五里通鑑後唐同

光元年李紹興敗梁游兵於清邱驛 鐵邱 在開州北春秋哀公二年

左傳趙鞅納衛太子于戚與鄭戰衛太子登鐵上望見鄭師衆自投車下杜預注鐵邱名在戚城南

五代史晉開運二年閔馬於鐵邱寰宇記鐵邱在頓邱縣西北五里又縣北十里有崩曠臺 按元

和志謂鐵邱在衛縣東南十里誤 瑕邱 在開州東南十八里義井

瑕邱 遠伯玉從文子曰樂哉斯邱也寰宇記瑕邱在濮陽縣東南三十里高三丈又有延邱在縣東

南四十里延陵季子適衛憇此舊志瑕邱在州東南十八里延邱在州東南文圃里 沙亭 在

城縣東南春秋定公七年齊侯衛侯盟于沙左傳作盟于瑣杜預注元城縣東南有沙亭瑣即沙也

晉地道記縣南有瑣陽城即此 宛亭 在長垣縣西南左傳僖公二

宛濮杜預注長垣縣西南有宛亭近濮水水經注濮渠之側有漆城竹書紀年梁惠成王十六年邯

鄆伐衛取漆富邱城之者也或亦謂之宛 蒼亭 在

濮亭寰宇記漆城在長垣縣西二十里 樂縣西二十里其地有蒼頡陵及造書臺亭因以

名後漢靈帝中平元年皇甫嵩與黃巾戰於蒼亭

晉時冉閔敗張賀度等於蒼亭皆即此 **蘧伯鄉** 在長垣縣東水經注

縣有蘧伯鄉一名新鄉有蘧亭曹大家東征賦日到長垣之境界分察農野之居民觀蒲城之邱墟

今生荆棘之藜藿蘧氏在城之東南分 **龍淵宮** 在民亦饗其邱墳縣志縣東南有伯玉村

州西南漢書武帝紀元光三年起龍淵宮水經注河南有龍淵宮蓋武帝起宮於決河之旁龍淵之

側故曰龍淵宮也寰宇記宮在濮陽縣東十里又縣西南八里有赤龍澗有決口故道蓋古之龍淵

也非築宮之所州 **宣房宮** 在開州西南史記河渠志在州南別駕里

曰宣房宮舊志宣房宮在 **潛龍院** 在清豐縣舊澶州西南十七里瓠子堤上

後唐明宗宅後為僧院舊志又有御店亦在故城內宋太祖太宗微時邸舍也徽宗時改名潛德觀

銅臺 在大名縣東北五里積 **禮賢臺** 在魏縣東南土畝許蓋戰國會盟處

臺相傳魏文侯所築賓禮段干木處久廢明萬歷十九年重築易今名 **重華臺** 在開

南九域志開德府有衛 **楚王臺** 在開州南相傳項靈公臺亦名重華臺

駐軍於此後 **烽火臺** 在開州東南舊志澶濮間瀆人因立此臺

蓋皆五代及宋初 **文臺** 在東明縣東北戰國策無所築以備契丹處

城盡拔文臺墮括地志文臺在寬句縣西北六十 **康王臺** 在

五里舊志在今東明縣北數里又縣東北十五里 **荆臺** 在東明縣南四十里俗傳即

有東 **明縣南五十里宋靖康間康王總帥 **騎山樓** 在府**

河北招集義旅築臺於此故址猶存 **披雲樓** 在開州治南宋真

舊府治西園宋韓 **清心** 在開州治南宋真琦留守北京時建

衆樂堂

在舊府治西園宋文彥博爲畱守時建每春日許郡人遊賞故名又有九思亭亦彥博建又有雪香亭亦在府治內彥博有詩刻石尙存

賢樂堂

在舊府城內宋通判黃庭堅建

愛景堂

在開州城內宋何承矩建

金波亭

在元城縣東故魏州城南五代史梁分魏

喜雨亭

在舊府城內宋韓琦爲畱守重

晚香亭

在舊府治宋韓琦爲畱守重

梨園

在舊府城內舊有梨樹數千本宋呂夷簡判大名又值桃數千本間

百花塢

在舊府城內宋王拱辰畱守時

操刀營

在南樂縣西三十里其東有畱曹營相去六里

五花營

在南樂縣北十八里唐時河北五鎮會兵

王彥章營

在南樂縣南門外彥章駐兵之所

關隘

在元城縣東北二十五里衛河濱自元

小灘鎮

在元城縣東北二十五里衛河濱自元

東館鎮

在元城縣東六十里

李固鎮

在魏縣東南唐文德元

雙井鎮

在魏縣東南

北阜鎮

在魏縣西南三十里與成安

回龍鎮

在魏縣西南六十里接

明嘉靖中

年築城與雙井沙口皆稱境內巨鎮

北征時廻 **韓張鎮** 在南樂縣東二十五里金
鑾經此 志朝城縣有韓張鎮卽此 **土樓**

鎮 在開州西宋永初末北魏奚斤等拔宋滑臺進
擊翟廣於土樓破之九域志臨河縣有土樓鎮

古定鎮 在開州東南六十里舊
置巡司俗稱小濮州 **大岡鎮** 在長垣縣

里明洪武初置巡司今裁舊志明嘉靖中於縣境
築四堡曰版邱在縣南曰樊相在縣西北曰南嶽

在縣東北其 **杜勝營** 在東明縣南六十里明宏治
一卽大岡也 六年設通判主簿駐此專理

河務 本朝初設守備把總康熙中增設巡司後
裁雍正十年改守備爲都司十一年復設巡司又

增置 **黃軍營** 在東明縣西南明洪武初徐達取河
干總 北遣宜春侯黃彬出大名彬駐師大

善集西南三里依河而陣檄諭諸縣皆望
風降服大名遂定因名其地爲黃軍營 **臺頭堡**

在元城縣南門外其地有高臺相傳魏惠王拜郊
臺堡因以名又黃金堤堡在縣東北十里儒家砦

堡在縣西北四十
里皆商民輳集處 **沙口堡** 在魏縣東南二十里當

處明嘉 **主簿寨堡** 在清豐縣東南三十里又許村
靖中建 堡在縣西南三十里馬村堡在

縣東北二十
里皆有小城 **慶祖堡** 在開州南二十五里又井店

河列其 **楊村** 在開州西南十五里舊時大河要口
左右 也五代梁貞明五年晉王軍於德勝

梁王瓚據上游十八里楊村夾河築壘後唐同光
初梁將王彥章攻唐德勝自楊村乘流而下遂克

南城今爲 **趙征村** 在開州東北宋嘉祐元年六塔
揚村鋪 河決內侍劉恢往視還言河口

乃趙征村於國姓御名有嫌大
輿甬屬非便今其地名趙村鋪 **北張集** 在大名縣

里又邊馬集在 **裴子巖集** 在東明縣南五十
縣西南三十里 里與長垣接界 **白茅**

集 在長垣縣東一百二十里接
東明界元賈魯治河始此

津梁楊家橋

在元城縣西北。長橋。在魏縣東郭化龍村。漳寧

橋。在魏縣東郭外。為內黃等處通衢。

樂清橋。在南樂縣西北四里。跨岳儒固河。明嘉靖

間。西河橋。在清豐縣西郭外。又舊城橋。在縣南三里。大河橋。在縣北三里。玉帶橋

在東明縣北門外。跨漆河。又吳勝橋。在縣東十五里。普河橋。在縣東南八里。石川橋。在

州東門外。明嘉靖中建。浮翠橋。在開州東南五里。洪洋山南。南溪橋。在開

南八十餘里。大通橋。在長垣縣東北二里許。跨遂家河。明萬歷五年建。

堤堰金堤

在元城縣舊府城北十九里。南自滑縣接界。繞古黃河。歷開州。清豐。南樂。大名。元城。東北接館陶界。即漢時古堤也。漢書成帝建始四年。河決東郡金堤。寰宇記。金堤在頓邱縣北十里。清豐縣南四十五里。德清軍城東南五里。下入南樂縣界。河門堤。在元城縣東舊城外。舊志

府內有河門舊堤。魏帥樂彥植嘗因以築羅城。遂家堤。在大名縣東三里。許起自南樂縣界

經縣境。抵衛河濱。蓋古堤也。又有諸公堤。張公堤。俱在縣西二里。李茂堤。在縣南八里。范勝堤。在縣

東北十八里。俱明嘉靖中築。以捍漳河泛溢。衛河堤。在大名縣西北五里。接魏縣南界。明

成化間築。起濬縣之新鎮。下達館陶。延袤三百餘里。紅船灣堤。在大名縣北

治初。因衛河決溢。築以障禦。附城堤。在大名縣城外。環繞縣治。明正德間。漳衛二河決溢

入境。知縣吳拯增築。植柳千株。亦名吳公柳堤。漳河堤。在魏縣南。南岸起

自臨漳。延袤八十里。北岸起自成安。延袤五十里。俱由縣境抵元城縣界。明永樂中築。宋堤。在南樂縣

古黃河西岸。自清豐縣六塔集。來宋時所築。故名。王村堤。在南樂縣西北

所經。延袤六十里。入元城縣界。護城堤。在東明縣城外。周八里許。明萬歷十六年築。本朝

康熙十年重修 **白茅堤** 在東明縣東南長垣縣之紙坊集

縣東南南七十里西接黃陵岡東抵小張家灣元賈魯創築明宏治間修凡二百餘里 **孟華堤**

在東明縣南二十五里西起滑縣東抵山東界綿亘二三百里 按胙城有孟華潭流入滑縣界堤

蓋以障此水 **長堤** 在東明縣南杜勝集南濱大河下流故名 西接長垣縣之常村新豐等堤

東入曹州界綿亘二百餘里 **海頭集堤** 在東明縣東北二十里 **復關堤** 在

州西寰宇記在臨河縣 **鯨堤** 在開州西寰宇記在臨河縣西十五里自

黎陽入界鯨治水所築舊志今俗所稱鯨隄在州西十里又州南一里有宋隄相傳宋時所築州界

南抵長垣北至大名其間長短無名之隄不可數計城南隄自滑縣來經州東七十里鄆城鄉分五

道入山東范縣界城北隄亦自滑縣入至清豐蓋皆宋時遺蹟 **韓村堤** 在開州南七十里

長堤 在長垣縣南黃河之北自縣西接河南儀封縣界迤邐而東歷東明縣南杜勝集至紙坊

集仍屬長垣接河南儀封山東曹州界綿亘二百餘里自明以來相繼修築 **三尖口堤**

在長垣縣東三十五里元 **小務堤** 在長垣縣西五里起自縣西北

時賈魯治河築堤始此 青岡集繚城南東至黃家渡口約六十里合長隄

明嘉靖二年知縣王三省以水溢開小務口道水由城北東行

陵墓 **蒼頡冢** 明統志在南樂縣西三十五里縣志又有赫胥陵在縣東四十里皆傳會也

夏 **關龍逢墓** 在長垣縣南寰宇記在龍城東墓側有祠 **周** **衛康叔墓** 元

志在頓邱縣 **柳下惠墓** 在開州東南大寨村 **衛靈公墓** 在長

東北十里又見順德府 **蘧伯玉墓** 在長垣縣南十平鄉及山東朝城縣

傳長垣縣有蘧伯玉冢寰宇記在長垣縣東七里
祠在墓側明統志在縣南十五里縣志在縣南八
里 **孔悝墓** 寰宇記在頓
邱縣北三里 **子路墓** 水經注轟城東有
子路冢明統志子

路墓有三一在清豐縣西南三十里一在開州北
十里一在長垣縣北三里舊志一在開州戚城之
東門外有正大光明坊享殿三楹四壁石刻題詠
甚多東西廡庖福皆具一在清豐縣西南二十里

趙讓村一在長垣縣東
關外又見河南滑縣 **閔子騫墓** 在東明縣西北
二十里墓旁有
祠 按濟南府及宿州皆有閔子墓名勝志又
謂在清豐縣西南二十里衛人葬其衣冠處 **公**

西華墓 在東明縣閔子
墓東二十步 **王孫賈墓** 在東明縣東二
十里俗名王孫

孤 **莊周墓** 在東明縣東北
漆園城有廟 **漢齊王家** 在東明縣西
南二十里史
記齊王田儉死
臨濟亭蓋卽此 **審食其墓** 在清豐縣北魏書地形
志陰安有審食其冢

婁敬墓 在開州東南名勝志漢婁敬墓
在州東南六十里錄士望社內 **汲黯墓** 寰
宇記在濮陽縣西南六十里
黯自淮陽太守歸葬於此 **蓋寬饒墓** 元和志在魏
縣東南八里

明統志久 **王翁孺墓** 元和志在元城縣東二
百步翁孺元后之祖也 **吳恢**
被水衝沒 **吳祐墓** 在東明縣西二十里吳家
村故址及石人馬尚存 **晉東皙墓** 元和
志在

元城縣東二十五里舊志在今
縣東六十里東館鎮前有祠 **唐張公瑾墓** 在南
西三十五里 **羅宏信墓** 在大名縣西
北十八里 **五代梁王彥**

故繁水城南 **章墓** 在開州南徐鎮
里一名忠陵 **晉王清墓** 在南樂縣西北三
里清開運初與契

丹戰 **周劔甲墓** 在大名縣南八里後周
太祖遺詔葬劔甲於此 **宋晁宗慤**
墓 在清豐縣西
北四十里 **楊棣墓** 在開州東門內金沙山明
萬歷中知州沈堯中建碑

表其墓 **元張淳墓** 在南樂縣西南二里 **明魏允貞墓** 在南樂縣南關外

成基命墓 在府城南關

祠廟 **雙忠祠** 在長垣縣南關祀關龍逢比干明宏治中建 **柳下惠祠** 在開州東

北柳村里明 **衛靈公祠** 寰宇記在長垣縣東北舊長垣城內 **蘧伯玉** 祠 在長垣縣南街舊為子路祠 有二三一在明嘉靖中改祀蘧伯玉於此

所一在長垣縣北街 **二賢祠** 在東明縣東二十里祀閔子騫公西華明嘉靖

間 **趙文君祠** 在魏縣治內祀漢縣令趙夔舊在縣東南二十三里明嘉靖中徙今所

張清豐祠 在清豐縣南郭外清豐隋時孝子明嘉靖中建祠 **三賢祠** 明統志在府城南門外唐狄仁

魏徵狄仁傑宋韓琦 **狄梁公祠** 明統志在府城南門外唐狄仁

傑嘗為魏州刺史有異政故民為立祠舊有雙碑一李邕文張繼處書開元中立一馮宿文胡證書

元和中立又元和志有祠 **四賢祠** 在府治內祀唐韓琦劉安世

明嘉靖中建 **南將軍祠** 在清豐縣北門外祀唐南霽雲 **寇萊公祠** 在開州

東門內 **程明道祠** 在開州城內 **忠烈祠** 在開州治東元

難明洪武初旌其忠烈命有司立祠 **靈津廟** 在開州西南別駕里宋孫洙靈津廟記元豐元

年曹村新堤成賜名堤曰靈平廟曰靈津

寺觀 **普照寺** 在府治西宋元時在舊府城內明永樂初徙建於此 **大安寺** 在元

東舊府城內宋時建東壁畫真宗幸大名府時儀衛鹵簿及扈從百官首列寇萊公 **白馬寺** 在大名縣城內西南隅宋建寧中有佛放光如白

馬駕車狀因敕建寺名曰白馬作浮屠五層極土

木之盛後燬明萬歷間重葺今名白佛寺 **文殊寺** 在魏縣西南胡管莊相傳金元以前建規模宏擴為

舊賢寺 在東明縣東南六十里其地有境內名刹 龐居士莊相傳漢龐居士世居

於此鍊行成道唐開元中建寺莊前名曰舊賢 **太平興國寺** 在開州治東

本朝康熙十年重葺

大清一統志卷之十九

大名府

名宦 韓延壽

燕人宣帝時徙為東郡太守上禮義好古教化聘賢士表孝弟有行修治

學宮春秋鄉射陳鐘鼓盛升降揖讓及都試講武習射御之事治城郭收賦租先明布告其日吏民敬畏趨鄉之又置正五長相率以孝弟不得舍姦人接待下吏恩施甚厚而約誓明或欺負之者延壽痛自刻責吏聞者自傷悔在東郡

三歲令行禁止斷獄大減為天下最 **王尊** 高陽人

遷東郡太守河水盛溢泛浸瓠子金隄尊躬率吏民沈白馬祀河伯親執圭璧使巫策祝請以身填

金隄因止宿廬居隄上吏民叩頭救止尊終不去及水盛隄壞尊立不動而水波稍却迴還吏民嘉

壯尊之勇節白馬三老朱英等奏其狀詔秩尊中二千石加賜黃金二十斤數歲卒官吏民祀之

耿純

宋子人光武時為東郡太守時東郡未平純視事數月盜賊清寧居四歲坐事免從擊董

君帝曰純治郡乃能見思若此乎建武八年東郡

濟陰盜賊羣起帝以純威信著於衛地使與兵會

於東郡東郡聞純入界盜賊九千餘人皆詣純降

大兵不戰而還璽書復以張酺為東郡太守吏民悅服

儒者而性剛斷下車擢用義勇搏擊豪強長吏有

殺盜徒者酺輒按之以為令長受賊猶不至死盜

徒皆饑寒傭保何足窮其法擢用郡吏王青且上

疏薦其三世死節帝幸東郡引酺及門生並郡縣

掾史咸會於庭帝先備弟子之儀使酺講尚書一

篇然後修君臣之禮視事十五年魯丕人永元二

年遷東郡太守修通漑灌百姓殷富數薦達幽隱

名士人太祖召為頓印令縣民郭政通於從妹殺

其夫程他郡吏馬諒繫獄為證政與妹皆耐掠隱抵

諒

不勝痛自誣當反其罪質至官察其情色更詳其事

檢驗具服東郡太守值歲饑默輒開倉賑給乃舍都亭

自表待罪朝廷嘉默憂國詔書褒歎比之汲黯

元暉

洛陽人開皇中拜魏州刺史有惠政

楊文思

華陰人開皇中為魏州刺史甚有惠

政及去職吏民思之為立碑頌德

張琚

河東人開皇中為涇水令以清正聞

魏德深

宏農人文帝時遷貴鄉長為政清靜不嚴而治會

興遼東之役徵稅百端人不堪命惟德深一縣有

無相通所求皆給而百姓不擾於時盜賊羣起諸

城多淪陷唯貴鄉獨全尋轉館陶長貴鄉父老詣

闕請留詔許之館陶父老復詣郡相訟郡不能決會持節使者韋霽杜整等至斷從貴鄉貴鄉吏

人歌呼滿道館陶合境悲哭因從而居住者數百家

唐潘道毅

魏州總管武德四年劉黑闥陷魏州道毅死之

威 魏州刺史武德四年劉黑闥陷鄆縣威死之 孔昌寓 山陰人貞觀中為魏州司馬有

治狀帝為不置刺史 為政三年璽書褒美 李靈龜 唐宗室歷魏州刺史為政威嚴盜賊不發

鑿永濟渠通新 市百姓利之 蘇幹 武功人垂拱中遷魏州刺史河朔饑前刺史苛暴百姓流

徙幹檢吏督姦勸課農桑 由是流冗盡復以治稱 狄仁傑 太原人萬歲通天中契丹陷冀

州河北震動擢仁傑為魏州刺史前刺史懼賊至 驅民保城修守具仁傑曰賊在遠何自疲民萬一

賊來我自辦之何預若輩悉縱就 田賦聞亦引去民愛仰之為立祠 韋景駿 萬年人為貴鄉

令有母子相訟者景駿曰令少不天常自痛爾幸 有親而忘孝耶教之不孚令之罪也因嗚咽流涕

付授孝經使習大義於是母 子感悟請自新遂為孝子 宋璟 南和人睿宗時為魏州刺史

陽嶠 洛陽人睿宗時為魏州刺史以清白聞既徙荆州為本道按察使魏人務耳闕下請嶠為

刺史故 再治魏 張廷珪 濟源人開元中徙魏州刺史初景龍中宗楚客紀處訛武延秀韋温

等封戶多在河南河北諷朝廷詔兩道蠶產所宜 雖水旱得以蠶折租廷珪謂兩道倚大河地雄奧

股肱走集宜得其歡心安可不恤其患而殫其力 若以桑蠶所宜而加別稅則隴右羊馬山南椒漆

山之銅錫鉛錯海之蜃蛤魚鹽水旱皆免寧獨河 南北外於王度哉願依貞觀永徽故事准令折免

詔可在官 有威化 苗晉卿 壺關人天寶中徙魏郡太守即充河北採訪使居三年政化大

行魏人為營生 祠立石頌美 李粵 趙人為南華令大水他縣饑人至相屬粵為具餐饗及去

復糧送之 吏為立碑 五代周魏丕 相州人世宗鎮澶淵辟司法叅軍有盜五人獄具丕

疑其冤緩之不數日果 獲真盜世宗嘉其明慎 辛仲甫 汾州孝義人顯德

署仲甫掌書記崇所親吏為廂虞候部民有被劫 殺者訴陰識賊魁即捕盜吏也官不敢詰仲甫請

自捕逮鞠之吏故稽其獄仲甫曰民被寇害而使
自誣服靈政甚矣焉用僚佐為請易吏以雪冤憤
崇悟移鞠之

宋王祐

大名莘人符彥卿鎮大名頗
不治太祖以祐代之俾察彥

卿動靜祐以百口明彥卿無罪彥卿由是獲免

陳恕

南昌人太宗時知大
名府時契丹內寇受

詔增浚城隍其器用取於民者不時集恕立擒府
中大豪一人械之以徇民皆悚慄無敢後期者數

日功

王承衍

洛陽人雍熙中知天雄軍府兼都部
署時契丹擾鎮陽鄰境戒嚴城市大

恐屬上元節承衍下令市中及佛寺燃燈設樂與
賓佐宴遊達旦人賴以安後再知天雄軍吏民干

餘詣監軍請為本
道節帥詔褒之

趙昌言

汾州孝義人淳化中知
天雄軍大河貫府境豪

民時芻菱圖利誘姦人潛穴隄歲仍決溢昌言知
之一日隄吏告急命徑取豪家膚積以給用自是

無敢為姦利者屬澶州河決流入御河溢侵府城
昌言籍兵負土增隄不浹旬城完太宗手詔褒諭

之吳元辰

太原人真宗時知澶州咸平三年轉
運使劉錫上其治狀詔書嘉獎之

張

進

曲阜人咸平中徙天雄軍部署會河決鄆州王
陵口發數州丁男塞之命進董其役凡月餘畢

詔褒

何承矩

河南人景德元年出知澶州承矩自
守邊以來常欲朝廷懷柔遠人為息

兵之計及是車駕按巡本
部卒與契丹和益加歎賞

張旦

趙州人真宗時知
德清軍景德中契

丹入寇陷軍壁且與其子利涉率眾奮擊並戰沒
帝聞之驚悼錄其四子官時虎翼都虞侯胡福副

指揮使尙祚指揮使張睿劉福都頭輔
能等皆力戰而死真宗嘉嘆其忠勇

周起

鄆平
人真

宗時徙知天雄軍所至
有風烈數賜書褒諭

陳若拙

盧龍人真宗時知
澶州蝗旱之餘勤

於政治郡民
列狀乞留

靳懷德

高唐人真宗時知澶州州居
水陸之要懷德悉心撫治頗

著政

張禹珪

河朔人景德中知澶州勤於政治以
瑞麥生獄空連詔嘉獎會河隄決溢

禹珪率徒塞之。宰相王旦使張知白清池人真宗時知大名府

克州還言其狀優詔褒之。

王會 蓋都人天禧中知天雄軍。仁宗初以彰信軍節度使復知天雄軍。契丹使者往還斂車徒而後過。無敢譁者。人樂其政。為畫像而生祠之。

曹瑋 靈壽人。仁宗初知天雄軍。契丹使過天雄部勒其下曰。曹公在此。母縱騎馳驅也。

王德用 趙州人。仁宗時契丹遣劉六符來求復關南地。以兵壓境。乃改德用知澶州。歲大熟。六符見德用拜曰。此公仁政所及也。

趙及 偃師人。仁宗時知魏縣。歷通判大名府。所治有聲。民吏安之。

李京 趙州人。仁宗時知魏縣。奉法嚴正。吏不便。欲以苛中京。遂相率遁去。監司果議以苛刻斥京知府。任布曰。如此適墮吏計中。京賴以免。

程琳 博野人。仁宗時知天雄軍。後又判大名府。琳持重不擾。前後守魏十年。度要害繕壁壘。增守禦備。植雜木數萬。日異時樓櫓之具。可不出於民矣。人愛之。為立生祠。

陳執中 南昌人。皇

祐中判大名府。河決商胡。走大名。程琳欲為堤。不果成而去。執中乘年豐。調丁夫增築二十里。以障

橫。獲鹿人。仁宗時判大名府。時河決商胡。潰。昌朝請復故道。不從。六塔功敗。賓棣德

博。民多水死。昌朝振拔之甚力。

杜衍 山陰人。仁宗時知天雄軍。衍為治謹密。不以威刑督吏。然吏民亦憚其清整。

張問 襄陽人。仁宗時通判大名府。郡牧地。在魏。歲久冒入於民。有司按舊籍。括之地數易。主券不明。吏苟趣辦。持詔書奪人田。至毀室廬。發邱墓。問至。則曰。是豈朝廷意耶。具

以上聞。仁宗諭大臣曰。吏用心。悉如問。何患赤子之不安也。立罷之。

張觀 絳縣人。仁宗時徙知澶州。河壞。孫陳搆及浮梁州人大恐。或請趨北原。以避水患。觀曰。太守獨去。如州民何。乃躬率卒徒

增築之。堤完水亦退。

李肅之 濮州人。仁宗時監大名府軍資。就弗擾。民悅之。通判澶州。契丹泛使將過郡。而樓

堞壞圯。肅之謂郡守曰。吾州為景德破敵之地。當

示雄疆遂鳩工構城屋凡千區已而中
貴人銜命來視規置一新驚賞嗟異
宗時僉書北京判官貝州亂給事
不乏賊平又條治其獄無濫者
陸訛 餘杭人仁

天雄軍河溢金堤民依邱塚者數百家
宗時通判
韓綜 雍邱人仁

濟一人予干錢民爭操舟楫以救之已而邱塚多
潰 考城人仁宗時通判大名府府守
張燾 臨

人仁宗時提點河北刑獄攝領澶州七日
姚仲孫

而商胡決燾振溺拯饑所全活者十餘萬
孫親總役堤上埽一夕復完權知大名府夜直禁

商水人仁宗時權知澶州河壞明公掃絕浮橋仲
兵塞金堤決河是歲澶

魏雖大水民不及患
李遵勗 上黨人仁宗時知

浮梁遵勗督工
康德輿 洛陽人仁宗時歷大名府

徒七日而堤成
路鈴轄提舉金堤至和中
河決小吳埽破東堤頓印口居民避水者趨堤上
而水至不得達德輿以巨船五十順流以濟之遂

免墊 劉渙 保塞人治平中知澶州河北地震民乏
粟率賤賣耕牛以供朝夕渙盡發公錢

買之明年民無牛耕價增十倍渙復出
程顥 河南

所市牛以元值與民澶民賴不失業
宗時僉書鎮寧軍判官程防治河取澶卒八百虐

用之衆逃歸羣僚畏防欲勿納顥曰彼逃死自歸
弗納必亂若昉怒吾自任之即親往拊勞約少休

三日復役衆歡踊曹村埽決顥謂郡守劉渙曰曹
村決京師可虞臣子之分身可塞亦所當為蓋盡

遣廂卒見付渙以鎮印付顥立走決所激論士卒
命善泗者渡決口引巨索 韓琦 安陽人熙寧元年

濟衆兩岸並進數日而合
不用事出常平使者散青苗錢琦亟言之帝出其
疏以示宰臣曰琦真忠臣雖在外不忘王室朕始

謂可以利民今乃害民如此當是時青苗法幾罷
琦在魏郡久遠使每過移牒必書名日以韓公在

此故也魏人 文彥博 介休人仁宗時判大名府熙
寧中復判大名府身雖在外

而帝眷有加初治河者為濬川祀王安石遣都水丞范子淵行其法彥博言河非祀可濬臣不敢雷

同罔 **黃庭堅** 分寧人熙寧中教授北京國子監留守文彥博才之留再任 **鄭僅**

彭城人熙寧中為大名府司戶參軍留守文彥博以為材部使者檄往他郡彥博曰如鄭參軍詎可

令數出奏 **薛向** 河中萬泉人神宗時論河北雜法改司法之弊朝廷是向計始置使羅司於

大名以向為提點刑獄兼其事武強有盜殺人而逸尉捕平民抑使承向覆其冤脫六罪囚於死

王拱辰 開封咸平人元豐初判大名時三路籍民為保甲日聚而教之禁令苛急往往去為

盜拱辰抗言其害主者指為沮法拱辰 **韓琦** 汲人上章不已帝悟於是第五等戶得免 **韓琦** 汲人

時知澶州河決晝夜捍禦帝念其勞遷大中大夫琦吏事絕人歷案牘終身不忘澶州民懷思之他

日郡守或欲有所為民必曰 **章衡** 浦城人元豐中此已經韓大中矣以故輒止 **章衡** 知澶州至部會

官立法禁民販鹽衡言民恃鹽以生生之所 在雖犯法不顧空令犴獄日繁請如故便 **韓絳**

雍邱人哲宗初為北京留守河決小吳都水議傍魏城鑿渠東趨金隄役甚急絳言功必不成徒耗

費國力而使魏人流徙 **徐處仁** 穀熟人河北盜起非計也三奏訖罷之 徒大名尹前尹王

革慘而怯盜無輕重悉抵死小有警輒閉城以兵自衛處仁至即大開城門徹牙內人情遂安在官

以剛 **黃友** 溫州平陽人通判澶州金人敗盟郭藥廉稱 師以常勝軍叛燕土響應友獨領數千

人與之戰躬冒矢石破裂脣齒 **梁肅** 奉聖州人欽宗即位召對問狀為之稱歎 **梁肅** 以山東西

路轉運副使攝大名少尹正隆末境內盜起驅百姓平民陷賊中不能自辨者數千人皆繫大名獄

肅到官考驗得其 **楊伯仁** 藁城人世宗時改大名情獻出者十八九 **楊伯仁** 少尹郡中豪民橫恣民

受其害伯仁窮竟渠 **裴滿亨** 臨潢府人章宗時遷黨四境為之帖然 **裴滿亨** 同知大名府事先是

豪猾縱橫前政莫制滿亨 徒單公弼 河北東路算
下車宣明約束闔境帖然 主海猛安人

章宗時知大名府事是時伐宋軍興有司督逋租
及牛頭稅甚急公弼奏軍士從戎民亦疲弊可緩

征以紓民 徒單銘 武里關刺人大安三年改知大
朝廷從之 名府大名薦饑重困銘乞大出

交鈔以 王毅 大興人官東明令貞祐二年東明圍
賑之 急毅率民兵欲戰者數百人拒守城

破猶率眾抗戰力窮被執與縣人王八等四人同
驅之郭外先殺二人王入即前跪將降毅以足踏

之厲聲曰忠臣不佐二主汝乃降乎驅毅 張宏
者以刃斫其脛毅不屈而死贈曹州刺史

範 定興人至元二年守大名歲大水漂沒廬舍租
稅無從出宏範輒免之朝廷罪其專擅宏範入

見曰臣以為朝廷儲小倉不若儲之大倉帝曰何
說也對曰今歲水潦不收而必責民輸倉庫雖實

民死亡殆盡明年租將安出曷若活其民使不致
逃亡則歲有恒收非陛下大倉乎帝曰知體其勿

問 張孔孫 隆安人至元中以廉訪使莅大名以所
沒贓糶粟賑饑民尋除大名路總管兼

府尹大興學校有獻故河隄三百餘
里於太后者即上章請還於民從之 明焦昉 定興

樂初為長垣知縣任滿當去百姓詣闕請留詔許
之以知州秩仍理縣事政績益著宣德中卒於官

民為營葬於邑城東南 賀禎 仁宗時為大名縣丞
隅且築室居其妻子 勵廉隅三考當遷民

乞留即擢 閻禹錫 洛陽人景泰中任開州訓導從
知本縣 學者如市人士化之有不率輒

慚曰吾無以 李瓚 臨汾人成化中為大名知府河
見閻先生 決長垣東明瓚築長堤延袤二

百餘里植榆柳數萬株沿堤置鋪夫遇衝刷輒補
葺又於元城築衛河堤工費不擾世享其利民有

不事生業者督令紡織遠近 韓福 天長人宏治中
革化在官十二年民尸祝之 為大名知府自

罷兵戍盜稍起福定諸州縣番上之法躬親團操
又時詢察盜賊屏跡道不拾遺鼓樓下置一認物

亭令境內有見道上所遺物一錢以上悉齎投亭中。許亡者認取諸州縣吏民以事詣府者率投衣囊亭中。事畢各持去。間有過旬日他吏民不敢取也。在任八年。治行爲天下第一。賜宴光祿。兩入覲。朝中吏士夾道指之曰。此大名。韓知府也。時以比宋包拯云。

鮑琦 麻城人。宏治縣。值漳水決。漂沒田廬。琦築隄一百三十里。以捍之。不三月而隄成。水患以息。至今稱爲鮑公堤。

劉鸞 白水人。正德中。爲東明知縣。時流賊攻東門。二日。幾陷。鸞乘城督戰。悉力拒守。項中二鎗。

神色不變。縱火燒賊營。圍始解。

張謙 慈谿人。嘉靖中。爲大名知府。以廉馭吏。終謙之治。無敢受

一錢者。故事。養馬常課外。復徵餘地錢。百姓苦之。謙請豁免。值歲旱。蝗爲滅。征派緩。馬價蠲。田租凡

事。不便民者。悉加酌濟。流亡多來歸。

諸偁 秀水人。嘉靖中。知大名縣。堤障之。至今稱爲諸公隄。

甄敬 平定州人。嘉靖中。知大名縣。漳衛河決。敬築樓底埽口。以牛種

給民。均畝定。則歲以豐稔。流亡歸業。

朱湘 義烏人。嘉靖末。知大名縣。書院。會士人。月三試之。置學田二百餘畝。建社學十四所。選塾師分訓之。文教大興。

盧象昇 宜興人。天啟末。知大名府。擒大盜馬翩翩。崇禎三年。擢大名兵備副使。嘗追賊於小西天山。又敗之。青龍岡。前後斬首數千。象昇每臨陣。身先士卒。與

賊格鬪。刃及於鞍。弗顧。失馬。卽步戰。以是爲賊所畏。不敢窺大名。

朱廷煥 單縣人。崇禎中。以兵備副使分巡之。及來攻。被執。不屈死。

本朝季璜

會稽人。順治二年。爲大名府同知。攝濬縣事。人有鎔金爲硯。以饋者。璜題其硯而還之。嘗鞠內黃樊昌獄。全活數百人。以誑誤去官。兩縣立祠祀之。

方元啟 開化人。順樂縣時。民多逃亡。徭役無所出。居者重困。元啟按籍清審。減免丁銀六百餘兩。來歸者。給以牛種。農

籍清審。減免丁銀六百餘兩。來歸者。給以牛種。農

具不數年增戶 **高文鑑** 江陵人順治十八年授清

口萬六千有奇 責數千兩文鑑至悉除之爭訟者立為 **耿介** 登封

剖決未嘗留滯以病去民立祠祀之 熙初分巡大名道介故清正為 **范明德** 壽州人康

熙初分巡大名道介故清正為 **范明德** 壽州人康熙六年為

大名府通判制府幕士犯罪明德按治之其人走 懇制府明德曰某守法吏敢以上官撓法耶卒於

官貧不能殮 士民傷之

人物漢汲黯

字長孺濮陽人孝景時為太子洗馬以 嚴見憚武帝即位為主爵都尉亦以數

直諫不得久居位上問嚴助曰汲黯何如人也曰 使黯任職居官無以瘡人然至其輔少主守成雖

自謂責育弗能奪也上曰然古有社稷之臣至 如汲黯近之矣後拜淮陽太守居十歲而卒 **京**

房 字君明頓邱人治易事梁人焦延壽其說長於 災變分六十四卦更直日用事以風雨寒溫為

候各有占驗房用之尤精好鍾律知音聲以孝廉 為郎永光建昭間數上疏所言屢中石顯五鹿充

宗疾之出為魏郡太 **王閔** 元城人平阿侯譚之子 守卒為所中下獄死 哀帝時為中常侍倖臣

董賢為大司馬寵愛貴盛閔屢諫忤旨帝臨崩以 璽綬付賢閔白元后請奪之即帶劍至宣德後闈

舉手叱賢賢不敢拒乃跪授璽綬閔馳上太后王 莽忌閔出為東郡太守莽敗漢兵起閔獨完東郡

三十餘萬戶 **索盧放** 字君陽東郡人以尚書教授 歸於更始 千餘人初署郡門下掾更始

時使者督行郡國太守有事當斬放願以身代使 者義而赦之由是顯名建武六年徵為洛陽令徙

諫議大夫數納忠言後以疾去復徵不起光武 使人與之見於南宮雲臺賜穀二千斛遣歸 **吳**

祐 字季英陳留長垣人父恢為南海太守欲殺青 簡以寫經書祐諫曰海濱舊多珍怪此書若成

則載之兼兩嫌疑之間誠宜慎也恢撫其首曰吳 氏世不乏季子矣及年二十喪父居無擔石而不

受贍遺舉孝廉遷膠東侯相政惟仁簡爭訟自息
梁冀表為長史冀誣奏李固祐爭之不聽時扶風
馬融為冀章草祐因謂融曰李公之罪成於卿手
卿何面目見天下之人乎遂自免歸躬灌園蔬以
經書教授長子鳳樂浪太守少子愷新

息令鳳子馮鯛陽侯相皆有名於世 **秦周** 字平
留平邱人名在八 **謝弼** 字輔鸞濮陽人中直方正
為鄉邑所宗建寧二年詔

舉有道之士弼對策除郎中時青蛇見前殿大風
振木弼上封事言竇氏之誅太后幽隔空宮愁感

天心陛下以桓帝為父豈得不以太后為母又故
太尉陳蕃勤身王室而見陷羣邪宜還其家屬解

除禁網徵故司空王暢長樂少府李膺並居政事
庶災變可消左右惡其言出為廣陵府丞去官歸

家中常侍曹節從子紹為東郡太守 **三國魏毛玠** 字
守忿疾於弼遂收拷掠死獄中 孝

先平邱人少為縣吏以清公稱太祖辟為治中從
事嘗為東曹掾與崔炎並典選舉所舉用皆清正

之士務以儉率人由是士莫不以廉節自勵太祖
平柳城班所獲器物特以素屏風素馮凡賜玠曰

君有古人之風故賜君古人之服玠居顯位常布
衣蔬食賞賜即賑施貧族家無所餘魏國初建為

尚書僕射 **晉杜友** 字季子東郡人魏正元中為侍
後卒於家 御史母邱儉之誅黨與七百餘

人友治其獄惟舉首事十人餘皆 **成公簡** 字宗舒
奏散後仕晉歷冀州刺史河南尹 東郡人

性樸素不求榮利潛心道味張茂先每言簡清
靜比揚子雲默識擬張安世官至散騎常侍 **東**

皙 字廣微陽平元成人漢疏廣之後王莽末避難
因改姓皙博學多聞察孝廉舉茂才皆不就太

康中郡界大旱為邑人請雨三日而雨注眾為作
歌性沉靜不慕榮利作元居釋以擬客難張華見

而奇之召為掾累遷尚書郎趙王倫請為記室辭
疾罷歸教授門徒及卒元城市里為之廢業門生

故人立碑墓側所著五經通論發 **南北朝魏李崇**

蒙記補亡詩文集數十篇行於世

字繼長頓邱人襲爵陳留公孝文初為荆兗二州刺史俱有稱績後行梁州刺史討平叛氏楊靈珍宣武初魯陽蠻柳北喜等叛詔崇進討諸蠻悉降延昌初都督淮南諸軍事在州十年寇賊侵邊所向摧破號曰臥龍累遷尚書令加侍中在官和厚明於決斷卒諡武康

李平

字曇定崇從弟

涉獵羣書有文才宣武時累官相州刺史徵拜度支尚書京兆王愉反於信都平都督諸軍討平之孝明時遷尚書右僕射卒諡文烈平自在度支至於端副夙夜在公孜孜匪懈凡處機密十有餘年有獻替之稱子諧風流文辨孝靜時歷中書侍郎魏梁和好諧為聘使甚為梁武所重

隋華

秋 臨河人幼喪父家貧傭賃為養其母遇患秋容墓側負土成墳有欲助之者輒拜而止之獵人逐一兔免奔入秋廬自是馴宿左右郡縣具以狀聞帝降使勞問表其門閭後羣盜起咸相誠曰勿犯孝子鄉人賴秋而全者甚眾

唐李勣

字懋

功離狐人本姓徐初從李密武德二年密歸唐其地勣統之未有所屬乃錄郡縣戶口以啟密請自上之高祖喜曰純臣也詔授黎州總管封英國公賜姓附宗正屬籍從秦王征伐平竇建德俘王世充又從破劉黑闥徐圓朗貞觀初拜并州都督降突厥破薛延陀屢有功高宗立拜尚書左僕射進司空率兵討高麗平其國卒贈太尉諡貞武孫敬業少從勣征伐襲爵英國公為睢州刺史坐事貶客揚州武后擅命敬業起兵稱匡復檄州縣疏武氏過惡復廬陵王天子位後以兵敗死

張公

謹 字宏慎魏州繁水人為王世充洧州長史挈城歸唐貞觀初為代州都督數言時政得失太宗

多所採納後副李靖經畧突厥敗頡利璽詔慰勞追封鄒國公改襄州都督以惠政聞卒官太宗不避辰日

馬嘉運

魏州繁水人少為沙門還治儒學哭之長議論貞觀初累除越王東閣祭

酒退隱自鹿山受業至千人召拜宏文館學士以孔穎達正義繁釀持披其疵當世諸儒服其精終

國子博士 **谷那律** 魏州昌樂人淹識羣書褚遂良嘗稱
為九經庫貞觀中累遷諫議大夫從

太宗出獵遇雨沾漬因問曰雨衣若為而無漏耶
那律曰以瓦為之當不漏帝悅其直孫倚相為秘

書省正字讐覆圖書多所刊定倚相孫從政涉儒
學有風操事孫寶臣歷定州刺史及惟岳與田悅

謀拒天子命從政 **杜正倫** 相州洹水人隋世重舉
諫不納即仰藥死 秀才天下不十人而正

倫一門三秀才皆高第為世欽羨貞觀中累進中
書侍郎論事稱旨顯慶元年進同中書門下三品

遷中書令封襄陽縣公李義府同執政不能下出
為橫州刺史卒正倫工屬文嘗與董思恭夜直論

文章思恭歸謂人曰與杜公 **張文瓘** 字稚圭昌樂
論文今日覺吾文頓進矣 人幼孤事母

兄以孝友聞貞觀初第明經補并州參軍時李勣
為長史歎曰稚圭今之管蕭吾所不及乾封二年

同東西臺三品遂與勣同為宰相改黃門侍郎兼
大理卿不旬日斷疑獄四百抵罪者無怨言時以

執法平恕方戴胄後拜侍中諸四聞其遷皆垂泣
性嚴正未嘗回容諸司奏議悉心糾駁新羅叛帝

將出兵討之文瓘請息兵修德以懷異俗詔可卒
贈幽州都督諡曰懿四子潛沛洽涉皆至三品時

謂萬石張家文瓘兄文琮好自寫書筆不釋手永
徽初獻文皇帝頌優制褒美官終建州刺史從父

弟文收終太子率更令善 **李義炎** 昌樂人及進士
音律著新樂書數十篇 第補太原尉李

勣為都督甚禮之累遷中書侍郎上元中同中書
門下三品高宗欲使武后攝國政義炎固爭得寢

帝每顧問必鯁切不回宅無正寢弟義璣為市堂
材送之義炎曰處貴仕又廣居宇非有令德必受

其殃卒不許致仕歸公卿以下悉 **解琬** 元城人
祖餞通化門外時人比漢疏廣 幽素科歷

官侍御史安撫烏質勒及十姓部落景龍中遷御
史大夫兼朔方行軍大總管前後守邊積二十年

務農習戰華夷安 **郭震** 字元振貴鄉人以字顯少
之終同州刺史 有元志年十八舉進士武

后用爲奉宸監丞吐蕃請和其大將論欽陵請罷四鎮兵乃以元振充使還上疏具言所以制御之策后疑之後數年吐蕃君臣猜攜卒誅欽陵而其弟贊婆來降拜元振爲涼州都督置和戎城及白亭軍拓境千五百里于甘州關屯田食支數十年神龍中遷安西大都護睿宗立召爲太僕卿安西會長有務而哭送者先天二年以兵部尚書同中書門下三品元宗誅太平公主諸宰相走伏外省獨元振提兵護帝進封代國公元振少雄邁及貴居處儉約手不置書人莫見其喜愠

姜師

度

魏人擢明經神龍初爲河北道巡察使廝溝於薊門以限契丹並海鑿渠以通餉路累遷河中

尹引安邑鹽池置鹽屯公私收利不貲徙同州刺史又派洛灌朝邑河西二縣關河以灌通靈波收棄地二千頃爲上田置十餘屯進將作大匠卒師度喜渠漕所就必爲世利

吳保安

字永

固魏人睿宗時姚嵩蠻叛拜李蒙爲姚州都督郭元才弟子仲翔爲判官時保安罷義安尉未得調

仲翔以同里力薦之蒙表掌書記保安復往蒙已戰歿仲翔被執蠻聞仲翔貴曹必干縑方許贖保安留舊則力居貨十年得縑七百都督楊安居義之助其乏贖仲翔歸後保安以彭山丞客死喪不克歸仲翔爲服縗經囊其骨徒跣負歸葬魏州廬墓三年乃去後爲嵐州長史迎保安子爲之娶而讓以

杜暹

濮陽人自高祖至暹五世同居暹尤恭謹事繼母孝擢明經第補婺州參軍歷

鄭尉俱以清節顯開元四年以監察御史覆屯積西會郭虔瓘與劉遐慶更相訟詔暹卽按突厥以金遺暹暹受焉陰埋幕下已出境乃移文俾取之突厥大驚度積追不及去十四年同中書門下平章事進禮部尚書封魏縣侯卒諡貞孝族子鴻漸第進士爲朔方判官祿山亂迎肅宗至靈武密贊大計累官

南霽雲

頓邱人安祿山反從張巡守睢陽賊將尹子奇來攻巡使霽雲

射一發中其左目旣而被圍久城中食盡時賀蘭進明屯臨淮許叔冀尙衡次彭城皆觀望莫肯救

巡使霽雲如叔冀請師不應復遣如臨淮告急引精騎三十冒圍出賊萬衆遮之霽雲左右射皆披靡既至進明初無出師意又愛霽雲壯士欲留之爲大饗樂作霽雲泣曰昨出睢陽時將士不食月餘日矣義不忍獨食因拔刀斷一指一座大驚爲出涕卽馳去復冒圍入城陷被執賊欲降之巡呼曰甫八男兒死耳不可爲不義屈霽雲笑曰欲將以有爲也公有言敢不死遂死之贈揚州大都督圖形凌

劉晏 字士安曹州南華人明皇封泰山晏烟閣始八歲獻頌行在卽授太子正字肅宗代宗時兩爲戶部侍郎領度支鹽鐵轉運鑄錢租庸使拜吏部尚書同中書門下平章事使如故兼領東都河南江淮轉運租庸鹽鐵常平使通江淮漕渠歲致四十萬斛上勞曰卿朕鄧侯也又兼益湖南荆南山南東道與第五琦分領天下金穀權利益廣民不告勤大歷時軍國皆仰晏德宗立又加關內河東三川及諸道青苗使楊炎執政構之貶忠州刺史賜死天下寃之晏兄暹爲汾州刺

史天資疾惡建中末召爲御史大夫盧杞憚其嚴更薦于欣代之終潮州刺史晏孫濛舉進士累官給事中以才爲李德裕所知暹孫潼擢進士歷京兆尹山南有劇賊潼直叩其壘論降之累遷西川節度使南詔懼其威信不敢犯邊

吳澈 濮陽人章敬章皇后之弟建中初遷金吾大將軍朱

泚反詔大臣持節慰曉德宗顧左右無敢行澈曰陛下不以臣無能願至賊中論天子至意卽日賫詔見泚泚畱澈不遣卒被害贈太子太保諡曰忠子士矩文學早就喜與豪英遊開成初爲江西觀察

吳湊 澈弟累進左金吾衛大將軍湊才敏銳而使謙畏自將帝尤委信時令狐彰田神功等

繼沒其下搖亂湊持節至汴滑委曲慰諭軍中驩附元載當國久帝召湊圖之收載賜死貞元十四年拜京兆尹進兼兵部尚書卒諡曰

張萬福 元城人三成湊任中外未嘗有過爲外戚表

世明經止縣令州佐萬福乃學騎射從征遼東有功累攝壽濠舒三州刺史代宗召見曰欲一識卿

面後以利州刺史鎮咸陽李正己反屯兵桶橋江淮漕船不敢踰渦口德宗乃以萬福為濠州刺史漕遂通改泗州為杜亞所忌召拜右金吾將軍圖形凌烟閣陽城等論裴延齡事伏閣不去帝震怒左右懼不測萬福大言曰國有直臣天下無慮矣吾年八十與見盛事徧揖城等勞之天下益重其名以工部尚書

王栖曜 濮陽人性謹厚善騎射累致仕卒年九十授試金吾衛將軍袁鼂亂浙東栖曜與戰日十餘遇生擒鼂授浙西都知兵馬使李希烈陷汴州次寧陸將襲宋州栖曜以強弩三千涉水夜入寧陸希烈遂不敢東貞元初終鄜坊節度使子茂元累官河陽節度使

栢良器 字公亮魏州人父造以獲嘉令死安祿山難乃學擊劍欲報賊父友王奂薦之李光弼遷左武衛中郎將年二十四更戰陣六十二李希烈圍陵寧良器以救兵至擇善射者沿汴渠夜入及旦伏弩發乘城者皆死錄功封平原郡王圖形凌烟閣終左金吾衛大將軍子耆有縱橫學王承宗叛者

詣裴度言願得天子一節馳入鎮掉舌下之乃以左拾遺往既至以大義動承宗至泣下乃請獻二州以二子入質

杜羔 洹水人貞元初及進士第有由是聲震一時

杜羔 至性父死河北母更兵亂不知所之羔憂號終日及從兄兼為澤潞判官鞠獄有媼辯對不凡乃羔母因得奉養而不知父墓區處晝夜號慟他日舍佛祠觀柱間有文字乃其父臨死記墓所在因是乃得葬元和中為萬年令後歷振武節度使以工部尚書致仕卒諡曰敬子中立開成初尙真源長公主累官司農卿義武節度使居官精明

韓宏 匡城人莊重寡言沈謀勇斷由吏下畏服大理評事累官宣武節度使憲宗用兵淮西拜為諸軍行營都統使吳元濟平以功加兼侍中封許國公子公武以討蔡功為鄜坊節度使宏弟充累官宣武節度使性節儉歷三鎮居處服玩如儒生乘機決策無餘悔世推善將

谷感德 南樂人又有毛仁魏縣人皆以孝行被旌

五代梁 龐師古 南華人太

祖鎮宣武得馬五百匹為騎兵以師古將之從破黃巢秦宗權皆有功又破徐州斬時溥表為徐州留後師古自微時事太祖謹甚未嘗離左右及為將出兵必受方畧以行遣攻淮南營清口或請就高為柵師古以非太祖命不聽准人決水浸之遂見殺

唐劉贊

魏州人舉進士明宗時累

遷刑部侍郎守官以法權豪不可干以私時秦王從榮握兵而驕多過失拜贊秘書監為秦王傅秦王王府官屬類多浮薄傾險之徒日獻諛諂以驕王獨贊從容諷諫率以正道已而王敗屬官多坐贊得免

晉馬全節

字大雅元城人晉高祖時累遷廣

母至孝臨政決事必問法如何初徙廣晉過元城衣白襪謁其縣令州里以為榮子令琮少善騎射從其父屢戰有功由是知名

周馮暉

魏州人晉天

宋初累官昭義兵馬鈐轄軍節度徙鎮靈武撫綏邊部凡十餘年恩信大著官至中書令封陳留王暉卒子繼業代領其眾宋

開寶二年拜定難軍節度使改鎮定國軍吏民立碑頌其遺愛太平興國初封梁國公

宋潘

美字仲詢大名入開寶二年為行營諸軍都部署

征嶺南擒劉鋹送京師八年征江南為昇州道行營都監金陵平拜宣徽北院使太平興國四年平并州留屯北邊累官忠武軍節度使封韓國公卒諡武惠子惟熙女即章懷皇后也從子惟吉

趙

延進頓邱人周世宗征淮南延進獻萬緘以助軍授濠州兵馬鈐轄宋初歷知河中府梓相青三州太平興國初討幽薊詔督造礮具八百期以半月延進八日成遼人擾邊命將兵禦之三戰大破之獲人馬牛羊鎧甲數十萬以功遷右監門衛

大將軍知鎮州延進姿狀秀整涉獵經史好作詩篇士流以此多之

田仁朗

元城人宋初為西頭供奉官從討李重進有功還浚五丈河以

通漕運乾德中從破蜀秋毫無犯累拜右神武軍大將軍部修河北東路諸州城池數月而就仁朗

性沉厚有謀畧頗涉書傳所至有善政

宋白

字太素大名人人年十三善屬文豪俊尚氣節建

隆二年擢進士甲科乾德初獻文百軸試拔萃高等累官翰林學士雍熙中與李昉纂文苑英華一

千卷凡三知貢舉所得士如蘇易簡王禹偁胡宿李宗諤輩皆其人也真宗時官至吏部尚書白瞻

濟親族世稱其雍睦聚書數萬卷嘗類故事號建章集後進有文藝者必極意稱獎如胡旦田錫皆

出其門有集白卷

柳開

字仲塗大名人人幼穎異有膽勇既就學喜討論經義慕韓愈柳宗元

為文開寶六年舉進士累官殿中侍御史雍熙中抗疏願任河北用兵之地以為崇儀使知寧邊軍

歷全邠代等州皆有政績有集十五卷作家戒千餘言以訓諸子性儻重義嘗過酒肆飲有上人

至自京師以貧不克葬其親將丐王祐問所費曰二十萬開即罄所有遺之

臧丙

字夢壽大

名人弱冠好學性剛果有吏幹太平興國初舉進士釋褐大理評事淳化初歷知江陵府

德

大名人人少給事晉邸遷供奉官高昌國遣使朝貢太宗以遠人輸誠遣延德使焉自夏州渡河

經沙磧歷伊州望北庭萬五千里雍熙二年使還撰西州程記以獻真宗時歷左千牛衛上將軍致

仕

劉筠字子儀大名人人舉進士詔試選人校太清樓書擢筠第一為秘閣校理預修圖經及

冊府元龜累進翰林學士嘗草丁謂罷相制既而謂復留令別草制筠不奉詔曰姦人用事安可一

日居此請補外知廬州復召為翰林學士承旨再知廬州卒筠文辭善對偶尤工詩初為楊億所拔

後遂與齊名時號楊劉凡三入禁林三典貢舉性不苟合臨事明達而治尚簡嚴

劉越

字

長大名人人少孤貧有學行舉進士知襄城固始二縣有能名遷秘書丞會禁中火詔劾火所從起越

與殿中丞滕宗諒上疏諫仁宗為罷詔獄又請章獻太后還政太后崩擢嘗言還政者越已卒贈右

司諫官

陳炎

字伯玉臨河人進士及第丁父喪哀毀墳木連理累遷殿中侍御史天聖

五年祀南郊中外以為丁謂復還炎上疏曰丁謂因緣險佞私結要權冀移善地請勿原赦帝然之官至尙書

工部郎中**潘夙**字伯恭美從孫天聖中上書論時破邵州蠻團峒九十後知河中府章惇察訪荆湖

鄂州**閻守恭**并州榆次人徙家大名府明道中為并代路兵馬鈐轄守恭性沉勇御軍嚴雖

家居如對賓客所**鄧中和**字祖德長垣人舉三禮得俸祿悉散與人

終其喪定省往來如事生者**郭申錫**字延之魏人二十年貢士累墳高三丈

時為侍御史知雜事屢詆權倖無所避種諤取綏州申錫曰邊患將自此始及諒祚反請捐前故聽

其子襲爵且言但得重將守邊不要功生**王獵**字事則善矣著邊鄙守禦策以給事中致仕

之長垣人累舉進士不第慶歷中范仲淹薦為藍田主簿徙林慮令吏民愛信入為諸王侍講英宗

在邸尊禮之及即位拜天章閣待制兼侍講方議濮王稱以問獵獵不可帝曰王待侍講厚亦持此

說耶對曰臣荷恩厚不敢以非禮名號加於王所以報也帝大悟自是不復議神宗立自工部郎中

為本曹侍**張田**字公載澶淵人登進士第歐陽修郎致仕薦其才通判廣信軍歷知湖州廬

州桂州廣州皆有治迹用伉直自喜臨政以清嘗作欽賢堂繪古昔清刺史像日夕師拜之蘇軾讀

其書以伴**李清臣**字邦直魏人七歲知讀書日數古廉吏千言韓琦聞其名以兄之子妻

之舉進士應材識兼茂科歐陽修壯其文以比蘇軾為兩朝國史編修官撰河渠律歷諸志文直事

詳人以為不減史漢累**劉航**魏人第進士歷知虞官尙書右丞門下侍郎

不同兩縣皆治知宿州押伴夏使使者執禮不遜航皆折正之持節冊夏主凡例所遺寶帶名馬却

弗受上禦戎書為河北西路轉運使熙寧大旱求言航論新政不便者五請祠去起知涇相二州終

太僕 劉安世 字器之。航之子。登進士第。不就選。從

右正言。進諫議大夫。論事剛直。一時敬懼。自之曰。殿上虎章。惇惡之。安置英梅等州。凡投荒七年。甲

令所載遠惡地。無不歷之。徽宗即位。超知鄆州。真定府。蔡京既相。又七謫。至峽州。羈管稍復。承議郎

卜居宋都。卒。安世儀狀魁碩。音吐如鐘。家居未嘗有情容。不好聲色貨利。其忠孝正直。皆則象司馬

光。郭永 元城人。少剛明勇決。以祖任為丹州司法。有聲。遷河東提點刑獄。宗澤守京師。以大名當衝

要。傲永守之。不數日。聲振河朔。劉豫來寇。大名孤城無援。永率士晝夜堅守。城陷。怒罵不絕。一家皆

遇害。永博通古今。家藏書萬卷。為文不求人知。見古人立名節者。未嘗不慨然掩卷終日。聞兩宮北

狩。號絕仆地。不食者數日。其忠義蓋天性。然紹興初。贈資政殿學士。諡勇節。

金王汝梅 字大用。大名人。始由律學。為伊陽簿。秩滿。遂隱居不

仕。性嗜書。動有禮法。生徒以法經就學者。兼授以經學。諸生咸服其教。無敢為非義者。同業憫其貧

時周之皆 謝不受 張特立 字文舉。東明人。泰和進士。歷宣德州司正。大初。拜監察御史。首

言世宗諸孫不宜幽囚。又言尚書右丞顏蓋世魯與小民爭田。失大臣體。參知政事徒單兀典。諂事

近習。皆宜罷黜。當路者忌其直。遂罷歸田里。教授諸生。元世祖降璽書。賜號中庸先生。所著有易集

記。歷年 元王鶚 字百一。東明人。幼聰悟。日誦千餘言。長工詞賦。金正大元年。中進士

第一。歷左右司郎中。蔡州陷。萬戶張柔救之。輦歸保州。世祖在藩邸。遣使聘至。進講孝經書易及治

道。每夜分乃罷。及即位。首授翰林學士。承旨。制詔典章。皆所裁定。阿合馬欲取相位。大臣復助之。眾

莫敢言。鶚獨不附。卒諡文康。王珍 字國寶。南樂人。有詩文四十卷。日應物集。慷慨有大志。金

末。與楊鐵槍以兵應太祖。行營率按只署珍軍前都彈壓。宋將彭義斌侵據大名。珍棄其家。間道走

大名府

還軍中及元兵擊走義斌珍謂其妻子曰吾非棄汝輩誠不以私愛奪吾報國之心耳後以軍功累授本路行軍萬戶子文幹襲爵累遷江東建康道提刑按察使卒於官貧不能歸葬人以此稱之

靳德進

大名人也父祥師事陵川郝溫兼善星歷金末與母相失母悲泣而盲祥訪得之祇母

目百日復明人稱其孝元初王出干劉敏行省於燕辟祥寘幕下時藩帥得擅生殺無辜者多賴祥以免德進為人材辯讀書通大義尤精星歷之學世祖命劉秉忠選太史官屬德進以選受天文星歷卜筮三科管勾凡交蝕躔次六氣侵移所言休咎輒應時因天象以進規諫多所裨益累遷秘書監掌司天事從征叛王乃願揆度日時率中機會諸將欲勦絕其黨德進獨陳天道好生請待其降從之成宗即位歷陳世祖進賢納諫咨詢治亂之原帝深嘉納授中書右丞累官昭文館大學士知太史院預議中書政事卒贈大司徒諡文穆

張立道

字顯卿大名人年十七備宿衛從世

祖北征未嘗去左右至元中使安南並黑水至其國定歲貢之禮授大理等處巡行勸農使治昆明池得地萬餘頃皆為良田教爨焚蠶桑之法雲南由是富庶又建孔子廟置學舍風化大行累拜雲南行省參政卒官所著有效古集平蜀總論安南錄雲南風土記六詔通說若干卷

元善

大名

人父有昆弟五人因貧流散江淮久之遂客死至大四年善往尋其骸骨并迎弟姪等一十五喪而歸改葬祖父母以諸喪序列耐於坐次

蓋苗

字耘夫元城人延祐五年進士授單州判官數

歷中外多善政讜言累遷陝西行御史臺中丞卒追封魏國公諡文獻苗學術淳正性孝友喜施與置義田以贍宗族平居恂恂謙謹及遇事張目敢言雖經挫折無少回撓有古遺直之風焉

李好文

字惟中東明人至治元年進士除太常博士纂成太常集禮五十卷至正中皇太子入學

命好文以翰林學士兼諭德乃摘諸經要畧取史傳及先儒論說有關治體而協經旨者做大學衍

義之例為書十一卷名曰端本堂經訓要義詔令太子習焉又集歷代帝王故事總百有六篇以為太子問安餘暇之助又取古史為書曰大寶錄大寶龜鑑皆錄以進以翰林學士承旨致仕 郭

嘉 字元禮濮陽人祖昂父惠俱以戰功顯嘉慷慨有大志登泰定進士累遷禮部員外郎會遼東騷動授嘉廣寧路總管奉詔團練義兵號令齊一賞罰明信為東方諸郡之最既而賊勢日熾孤城無援賊脅之降嘉開門逐賊力戰以死贈河南江北等處行省左丞太原郡公諡忠烈 劉天

孚 字裕民大名人中書譯史為東平總管府判官歷知冠州許州所至有治績後知河中府陝西行省阿思罕為亂舉兵至河中天孚日夜治戰守具選丁壯分守要害及阿思罕入城脅天孚使附已天孚謂幕僚曰吾荷上恩與其辱於賊手寧蹈河以死時河冰方堅乃拔佩刀研冰北望再拜投水死事平贈護軍

伯顏 一名師聖字宗道世居彭城郡侯諡忠毅 開州濮陽縣自弱冠即

以斯文為已任至正四年徵至京師授翰林待制預修金史既畢辭歸四方來學者千餘人其學務真知力踐不屑事詞章士出其門不問而知其為伯顏氏學者十八年河南賊蔓延河北伯顏渡漳北行邦人從之者數十萬家至磁與賊遇賊知伯顏名士生劫之將誘以富貴伯顏罵不屈引頸受刃與妻子俱死之贈

卞琛 大名人游學京師補國奉議大夫諡文節 子生丁母憂家居至正十一年盜起琛統丁壯數百人擊賊眾潰散被擒賊素知琛諭之降琛唾罵曰我國子生也寧義死不從賊生罵不止

明周武 開州人從太祖定江南賊屢脅不聽殺之 征陳友諒平張士誠俱有功累官都督僉事以破西番功

康祥 南樂人母封雄武侯卒贈汝國公諡勇襄 患瘋疾祥晨夕虔禱疾遂愈繼患瘡癰又禱欲以身代忽遍體皆癰母疾亦愈及卒負土成墳廬其側三年宣德中旌表

楊鐸 南樂人少孤養母至孝及卒廬旌表 墓三年身容毀瘠宣德中旌表

甘澤 開州人少孤養母至孝及卒廬旌表 墓三年身容毀瘠宣德中旌表

人正統進士。歷御史。巡按陝西。與武清侯石亨不協。謫常熟。知縣。奔父喪。與弟潤俱廬墓三年。澤卒。潤居母喪。復廬墓。宏治中旌表。侯英。字世傑。開州人。天順進士。歷

弟侃。俱廬墓三年。有白鳥。數千繞樹。成化中旌表。馬宗範。開州人。為國子

不敢犯。宏治中旌表。王鼐。長垣人。為諸生。父喪。廬墓。有

字堯佐。長垣人。宏治進士。擢御史。正德四年。出按湖廣。奏言四川賊首劉烈。僭號設官。將為大患。宜

切圖預備之策。時劉瑾竊柄。言路久閉。而唐疏中有壅蔽語。瑾怒。切責久之。遷寧波知府。有善政。以

裁抑市舶。中官崔瑤被誣。下獄。謫嵩明知州。終陝西副使。王紘。字遂伯。開州人。

部員外郎。署郎中事。劉瑾竊政。羣闖多請託。紘悉格不行。遷衛輝知府。湖廣副使。中官谷大用以迎

立與世子。至安陸。驕恣甚。紘不屈。棄官歸。嘉靖中。起河南副使。轉山西叅政。皆有討賊功。累擢大理

卿。紘正直。鯁亮。居官布衣蔬食。如寒士。左遷山東叅政。卒。石星。字拱辰。東明

官吏科給事中。隆慶初。以帝任用宦官。不親政事。上疏極諫。詔杖六十。絕而復甦。星妻鄭誤聞。呈斃

遽觸柱死。神宗初。起故官。累遷工部尚書。以四方災傷。而織造不已。數有論諫。改戶部。覈邊計。建白

十四條。尋改兵部。倭入朝鮮。星力主封貢。後事壞。下獄。論死。天啟初。復官。李化龍。字于

垣人。萬歷初。進士。累遷右僉都御史。巡撫遼東。時秦寧把兔兒入寇。化龍與總兵官董一元。伏兵破

之。邊塞。屢服進兵部。右侍郎。播州楊應龍作亂。以化龍總督湖廣。川貴。兼撫四川。發兵討平之。父喪

服除。起為工部右侍郎。總理河道。奏開加河。二百六十里。以避黃河。呂梁之險。為漕渠永利。歷戎政

尚書。條上兵食戰守之策。言甚切至。加少傅。兼太子太保。卒。謚襄毅。加贈太師。魏允貞。字

忠。南樂人。萬歷進士。授荊州推官。大學士。張居正家奴犯法。執而杖之。擢御史。劾兵部尚書吳兌。結

納權閹不可與中樞又陳時弊四事忤執政謫許州判官累遷右僉都御史巡撫山西政聲大著進

兵部右侍郎卒諡介肅弟允中有雋才舉鄉試第一中進士官吏部主事允中弟允孚舉進士官刑

部郎中亦有名世稱南樂三魏 **崔景榮** 字自強長垣人萬歷進士擢御史劾東廠太監張鯨

罪巡按甘肅湖廣河南後按四川播州亂景榮監劉綎吳廣等軍賊平奏蠲蜀一歲租郵上東五路

罷礦使擢右僉都御史巡撫寧夏申威信省市費邊陲晏如累遷兵吏二部尚書忤魏忠賢奪職崇

禎中贈 **朱爵** 開州人萬歷進士歷吏科給事中嘗少保論時政闕失因疏趙志臯張位罪三

王並封制下爵又切諫謫山西按察司知事天啟中贈太僕少卿 **董漢儒** 字學舒開州人

萬歷進士歷官江南糧儲參政稅監陳增恣橫其胥役為盜漢儒捕殺之擢湖廣按察使會楚宗以

他姓冒襲為諸宗訐奏巡撫趙可懷左袒冒襲者諸宗伺而撲殺之時變起倉猝人心洶懼漢儒獨

鎮靜故緩其獄已而首惡抵法餘悉平反累遷宣大總督天啟初入為兵部尚書魏忠賢矯旨欲廢

其弟姪為錦衣僉事漢儒上疏力爭言極鯁直會丁母憂歸崇禎初進太子太保未及赴召卒諡肅

敏 **成基命** 字靖之大名人萬歷進士改庶吉士授編修累遷禮部右侍郎魏忠賢用事絕

弗與通及楊漣獄起忠賢指為黨矯旨奪官崇禎初起吏部右侍郎召見平臺咨方畧力薦舊輔孫

承宗尋拜禮部尚書東閣大學士日夜籌畫邊事奏疏數十上咸中機宜以疾乞歸卒諡文穆 **李**

其紀 字布宸清豐人萬歷進士授工部主事調吏部歷陞郎中典選事上嘉其廉直後以事左

遷行人司副遂還里崇禎十五年城陷不屈死 **張三傑** 字任吾魏縣人天

戶部員外郎崇禎末李自成陷京城三傑為賊所執不屈死 **張力** 字損侯東明

為萊州府推官罷歸李自成陷京師遣偽官至楊縣力偕同邑紳士誅之為賊將所執大罵而死 **楊**

希震

字心起長垣人崇禎進士授堂邑知縣歲大旱請蠲積逋四萬八千有奇李自成僞官至希震結壯士謀誅之事洩被酷刑合供同謀者希震忍死不言賊斷其頭身仆復躍起若擊賊狀賊大驚擲之城外忽白氣亘天久之方散

本朝 崔九圍

長垣人順治初奉母及妻子館從祖濬縣教諭署中庚寅寇至持刃脅其母九圍突前救護以頭觸壁身受三刃髮截指落瀕死復甦母賴以全其妻劉氏為賊所逼不屈死九圍復登辛卯鄉試

官白水知縣

劉永錫

字欽爾魏縣人明崇禎舉人授長洲學教諭明亡後

隱於陽澄湖巡撫欲薦之以疾固辭家貧衣食或不給淡如也常自鼓椎出至中流作歌歌竟而返及卒其友與門人共葬之夏道一 字元真大名入明崇禎舉人兩赴會試不第明亡遂絕意仕進率婦子耕績以自給時或操斤作紡車以鬻人爭其堅緻爭購之短衣行歌間為詩文脫稿即

棄去諸子亦不令讀書唯牧羊負薪而已

崔封

字瑒墟長垣人順治丙戌進士授蒙陰知縣以

數卷而已 邵炳元

字飛虹長垣人順治丙戌進士授孝感知縣時楚方用兵有賊踞山負固

久不下炳元至單馬馳赴賊壘開諭之呼酒劇飲既醉就卧賊感悅遂出降制府奇其才更令招降餘黨先是有吏侵盜庫金炳元窮治之吏亡走賊中言炳元將誘殺降者賊信之聚眾來攻時城無守禦具或勸之逃炳元曰我受國恩不幸墮賊手有死而已遂死之妻李氏亦遇害 魏體

仁

南樂貢生官永清訓導母谷病癰症體仁侍奉十二年未嘗解衣而寢性廉介不苟取予知縣

田慶曾重其人嘗貽銀五十兩力辭弗受善書法亦能詩又同縣民李立春事親至孝父母歿俱廬墓三年康熙初 于世俊 長垣人父南極為于光宗殿初 旌表 死 于世俊時年幼欲報未能時

懷刃以伺越數年遇於酒家誘之醉擊碎其首詣縣自首有司嘉其孝奏釋之閻祚茂祚

盛長垣人順治中河決兄弟奉母避水至劉家口舟覆母溺二人呼天叫號同躍入水出沒波濤

間數里竟負母而出皆無恙

流寓漢 王賀

東平陵人與東平陵終氏為怨迺徙魏郡元城委粟里為三老魏郡人德之

鄭均任城人常稱疾家庭不應州郡辟召郡將欲必致之既至卒不能屈於是客於濮陽建初

三年司徒鮑昱辟之後舉直言並不詣晉祖逖范陽道人僑居陽平

孝廉司隸再辟唐王義方澧水人客於魏孤且窶舉秀才皆不行唐王義方事母甚謹後官侍御史

以劾李義府貶萊州司戶叅軍歲終不復調往客昌樂聚徒教授隱居不出宋高頤雍

人為天雄軍掌書記以病免居於魏符彥卿待之甚厚及彥卿罷鎮其故時將吏賓客無敢復游魏

者惟頤清苦守法魏人愛之在魏三十年無一人言其非者元竇默肥鄉人元

渡河又走德安謝憲子以伊洛性理之書授之適中書楊惟中奉旨詔集儒士默乃北歸隱於大名

與姚樞許衡朝暮講習至忘寢食

列女唐 劉元佐母

滑州匡城人元佐貴母尚月織絅一端示不忘本數教元佐盡臣節

見縣令走廷中白事退戒曰長吏恐懼卑甚吾思而父吏於縣亦當爾而據案當之可安乎元佐感

悟待下宋劉安世母安世初除諫官未拜命入白益加禮宋劉安世母母曰朝廷不以安世不肖使

在言路須明目張膽以身任責脫有觸忤禍謹立至主上方以孝治天下若以老母辭當可免母曰

不然吾聞諫官為天子諍臣汝父平生欲為之而弗得汝幸居此地當捐身以報國恩正得罪流放

無間遠近吾當從汝所之於是受命元王德政妻郭氏大名人士少孤事母張氏孝

謹以女儀聞於鄉及笄富貴家慕之爭求聘張氏不許時德政教授里中年四十餘貌甚古陋張氏以貧不能教二子欲納德政為壻使教之宗族皆不然郭氏慨然願順母志既婚與德政相敬如賓屬教二弟有成未幾德政卒郭氏年方二十餘勵節自守甚有貞名大德間表其家

馮淑安 字靜居大名宦家女山陰縣尹山東李如忠繼室也如忠初娶蒙古氏生子任數歲而卒大德五年如忠病篤馮引刀斷髮誓不他適既歿兩月遺腹生一子名伏李氏及蒙古氏之族來山陰盡取其貲及子任以去馮不與較一室蕭然朝夕哭泣久之鬻衣權厝如忠與蒙古氏兩柩攜子廬墓側時年二十二羸形苦節為女師以自給父母憐其孤苦欲使更事人馮爪面流血不肯從居二十年始護喪歸葬汶上齊魯人聞之莫不歎息

明楊善妻劉氏 魏縣人一生一正德六年流賊至見女姿色執之而去劉追奪賊并欲執劉劉曰吾寧死不受辱賊殺之挾女上馬

女奮手擊賊面流血賊怒剗其腹而死同縣閻氏女閻蘭妻韓氏南樂蘇氏張臣妻李氏清豐楊布娥張金臺孔穿臺三女開州劉氏女玉桂白士強妻李氏長垣毛秀妻王氏皆以罵賊不屈見殺

張翹妻房氏 大名女與母避亂相失遇寇欲掠之遂赴井死

姜從仁妻王氏 清豐人賊至抱一歲兒避難賊將追及即投井死賊怒射之後出其屍

邵仁妻邵氏 長垣人仁卒遺二孤長身貫數矢

麻鏖繼妻 經自給事姑羅氏盡孝訓二子皆成立

次子永春登進士隆慶中詔旌其門

和氏 大名人年十七適鏖四年而寡子甫一歲前子甫六歲拜其母飲毒而死

崔氏女 魏縣人幼字張魯及笄魯以罪繫獄女聞內自傷悼麤衣素食每夕焚香籲天祈免魯罪母兄數欲改適女誓死不從歷五年魯得免死死戍邊女欲與俱母兄不許遂服毒而死

武氏女 南樂

人許諸生李括括家貧不能娶感病卒
女聞之欲往弔父母不許即自縊死
張慶妻陳

氏開州人慶有疾氏號泣籲天願以身代謂其夫
曰若不幸父母必再嫁我我當以一死報君慶

卒氏即
自經死

本朝 張嚴妻史氏

開州人夫亡前妻遺一子已生一
女皆幼遭明末寇亂氏棄女抱子

以逃事平女竟無恙子
亦成立康熙中

旌表 馮瑞繼妻白氏

清豐人順
治五年為

賊所掠大
罵被殺

劉璧星繼妻彭氏

東明人璧星官即墨
知縣歲甲申與張力

等同誅偽官遇害氏潛匿幼孤收葬夫
骸守節至八十八歲雍正四年

旌表 王鎮妻馮

氏東明人年二十餘夫亡姑及伯姪相繼歿翁年
六十氏孝養守節後翁繼娶陳氏生二子翁又

歿氏勸陳同守撫二子
成立年至九十歲卒

張握瑾妻邵氏

長垣人夫
亡不食七

日父母百計勸之乃食姑病禱天願以
身代及歿哭之喪明康熙中

旌表 王鶴沖妻

崔氏大名府人年十八而寡養姑撫子成立及姑
卒曰吾事畢矣不食數日死同郡朱某妻孟

氏許氏共事舅姑以孝聞及舅姑歿葬畢同日自
盡成夢斗妻張氏年二十夫亡無子事寡姑撫小

叔夢庚及長為娶婦田氏甫合香夢庚遽卒田即
自經救免借張守節歷三十年姑病張祈以身代

田割股和樂以進 成奕越妻杜氏大名府人年十
九夫亡立族子

為嗣未幾又殤氏遂不食死同郡成少龍妻李氏
侯國卿妻段氏皆早寡撫姪姪死俱自盡柴廷獻

妻蔡氏年十九夫亡徒步二十里送葬及歸不食
死成其行繼妻崔氏趙遐妻陳氏俱以夫死殉節

開州李大成妻張氏長垣李
鏞妻張氏皆以夫亡殉節

徐日新女

大名縣人
許字周官

官病歿女隨母往弔乞留侍翁姑不許絕食十六
日死又同縣劉可大女李隨蘭女東明曹化白孫

女皆為鄰惡所逼不從 **鄭國器妻宋氏** 元城人夫亡姑以氏

被殺康熙中並旌表 年少強令改適其姪氏抱稚女赴墓悲號投井 **張**

中死邑人哀之立碑於墓雍正八年旌表 **二墨妻孟氏** 南樂人為強暴所逼不從死又長垣

劉建子妻劉氏王宗湯女二妮郭禹

女二鳳開州馮彥居妻劉氏王坤妻劉氏大名縣

王三妻景氏元城孫月朴妻謝氏東明胡亢爵妻

趙氏趙廷桂女大姐皆不

受汙死並雍正中旌表

仙釋唐僧一行

張公謹之孫自幼聰黠師事普寂禪師見高僧盧鴻文一覽成誦因窮大衍歷數得其精妙唐明皇召問之曰卿何能對曰善記覽即以宮人籍示之覽畢如素所習讀帝歎異之卒諡大慧禪師

土產 紬絹

唐書地理志魏州土貢花紬綿紬平紬絹

宜桑絲然近時樹藝者少織紵不廣 **角弓** 唐書地理志澶州土貢 **席** 唐書地理志澶州土

貢鳳翮席宋史地理志開德府貢蓂莩席 **紙** 開州志州東清河濱人多造紙為業頗佳 **紫草**

唐書地理志魏州土貢 **胡粉** 唐書地理志澶州土貢胡粉 **硝**

明統志土確本府出 **醃** 明統志本府出 **枝頭乾** 明統志南 **梨**

金史地理志大名府產梨肉 **櫻桃** 金史地理志大名府產櫻桃煎 **棗** 府志府境最多

Table with multiple columns of text, likely a list or index. The text is faint and partially obscured by a watermark.



